



MAARA

HA A SE NA LIHLOELA A OELA

Lebotho la Afrika la Malala-a-Laotsoe
Na LDF e tla o besa o tuke?

Bafofisi ba Zimbabwe
thupelong Lesotho

Tse Kahare

Kakapa bofosing ba lifofane tsa Sesole



Bohlophisi

Mohlophisi

Lt Col Matela Matobakele

Motlatsi oa Mohlophisi

2Lt Selebalo Sebe

Baqolotsi

Sgt Thabiso Rajane

Sgt Ntlele Ntoi

PVT Sakeng Lekola

PVT Tankiso Nkoho

PVT Mosuo Mofomobe

PVT Hlaoli Moeletsi

PVT Makhele Makhele

PVT Atang Kotelo

OA Khatebe Molefi

Litšoantšo ka

LDF Photography Section

Tsa Papatso

MARA

P.O Box 1346

Maseru 100

Lesotho

Tel: (09266) 22 32 0404

Fax: (09266) 22 31 0351

PVT Bokang Mokuena

PVT Nyatso Tšoeunyane

Boeletsi

Dr Lebohang Lejakane

LL Productions Media

Consultancy (Pty) Ltd

P.O Box 9561

Maseru 100

Tel: (09266) 22 33 5949

E-Mail:

majaks@yahoo.com

E tekuoe ke

OA Khatebe Molefi



Tse Kahare

Tsa Kamehla

Bohlophisi leq 3

Likoete tsa MARA leq 4

Liponono tsa MARA leq 5

Tsa Bolumeli leq 6

Mangolo ho Mohlophisi leq 46

Litaba ka Botebo

Baeti ba Molaoli oa Sesole Mejametalana leq 8

Leboitho la Malala-a-Laotsoe Afrika leq 9

Pipe Band: Makolulo a 'mino le booki ntoeng leq 16

'Mabotho a khabe ka mebala"- Maj Gen Makoro leq 21

Kutloisiso ka HIV/Aids a anela mabothong leq 14

Bafofisi ba Zimbabwe ba fumana koetliso Lesotho leq 23

Sajene Limo le Li-Rafoneke leq 34

Matšolo a temo ea lifate LDF leq 33

Tlotlo ho masole a lintoa tsa lefatše leq 29

ECOL e tlotla baithuti leq 36

Lt Gen Yadava ketelong Lesotho leq 25

Pres Mogae o phallela mekhatlo ea Aids ka \$10 000 leq 30

Molaoli oa Motebo oa Sesole o seboko leq 48

Lipapali le Boithabiso

PEMCOS e tšoantšisa pale ea Moshoeshe I leq 12

KOPO Khalala ea litebele ea LDF leq 28

Kakapa bofosing ba lifofane tsa sesole - Col Mohapi leq 40

Keteko ea Letsatsi la Sesole ka litšoantšo leq 50

Maikutlo le Likhutloana tse ikhethang

Ke li bona tjena leq 31

Mangolo ho Bohlophisi leq 46

Bohlophisi



2Lt
Selebalo Sebe

Litoantšano DRC

Lefatše la Afrika le ile la apareloa ke lintoa ka nako e telele. Lintoa tsa boitseko le ho loanela boipuso tseo sekhahla sa tsona se ileng sa nyoloha ka lilemo tsa bo-1960 li felile. Ho fapana le hore e be karolo e kholo ea Afrika e lokolohile, lefatše le ile la tobana le lintoa tsa lehae tse neng li hlophisitsoe le ho raloa ke lihlotšoana tse fapaneng 'me tse nang le thahasello ka hare ho linaha tse joalo 'me tsa mpefatsoa ke ho itšunya hoa balichaba lintoeng tse joalo.

Lintoa tsa ka mora' o ho boipuso naheng ea Angola le lintoa naheng ea DRC li bonahetse li sitoa ho laoleha. Ho ne ho sa bonahale monyetla oa hore ntoa ea Angola e ka ea moriting ho fihlela kamora lefu la Jonas Savimbi haufinyane. Menyetla ea hore ntoa DRC e ka ea moriting, e bonahala e le lerotho leha ho bile le lipuisono tse matla tse boemong ba tikoloho e le ho bopa khotso.

Angola le DRC ke linaha tse monyetleng o motle oa ho uoa kaha li e-na le lihlopioeng ka bongata bo boholo. Oli le litaemane Angola, le khauta, litaemane le Colton DRC.

Kaha lifate tse teng DRC le Angola li le kaholimo ho halofo ea lifate Afrika, e bile li ka etsa karolo ea bosupa lekholong ea meru ea "rain-forest", tšebeliso ea lepolanka e bonahala e ka ba molemo tikolohong ena. Lihloliloeng tsa Angola le DRC ha e sale li itšebelisetsoa hampe ke mahlakore a loantšanang ho tšehetsa lintoa tseo.

Nakong e fetileng ho fihlela kajeno, liteko tsohle tsa ho tlisa ntoa pheletsong Angola le DRC ha li e-s' o atlehe. Lichelete tse fumanoang ka ho sebelisa hampe lihlopoloeng tsa DRC le Angola ke tsona tse bakoang ho nyopa ha liteko tsa khotso ho tsoa tikolohong ena. Ba bonahalang ba una molemo oa lihlopoloeng tsena ho bonahala e le batho ka bo mong kapa balichaba ba tšehetsang lintoa tse joalo kapa bao e leng karolo ea tsona.

Boithutong ba likamano lipakeng tsa litoantšano tsena le melemo e fumanoang thekising ea lihlopoloeng tsa Angola le DRC taba kholo e tlameha ho ba holima hore na

lihlopoloeng tsena li ka etsa tlatsetso e kae ntšetsopeleng ea lintoa tse linaheng tsa Angola le DRC.

Angola kamor'a ho ho putlama hoa Soviet Union, a ile a tlameha ho sebelisa mekhoha e meng ho fumana thepa ea sesole eo ba neng ba e hloka haholo. Sena se ile sa etsa hore ba thehe maqhama le lik'hampani tse ka nehelang ka libetsa, meriana le lisebelisoa tse ling tse hlokaalang hlakoreng le leng UNITA eona e ne e furalletsoe ke linaha tsa machaba nakong ea lilemo tsa mashome a mararo tsa ntoa eo.

Boemo bona bo ile ba qobella hore ho be thata ho lik'hampani tsa libetsa, meriana le tse ling ho hoebisana ka tsela e bulehileng le eona. Ke moo ho ileng hoa qaleha maqulona a sekhukhu a ileng a nka monyetla ho sebelisana le UNITA. Ho bohloko e ne ele hore UNITA ka lehlakoreng le leng e ne e sena chelete molemong oa phapanyetsano. Litaemane li ile tsa sebelisoa ke hona ho phetahatsa phapanyetsano eo.

Melemo e ileng ea unoa ke ba nileng le seabo ntoeng eo e bile e meholo.

Ha President Kabila a tsohelo matla ke marabele a neng a tšehetsoa ke Uganda le Rwanda, linaha tse tharo li ile tsa ea thusa Kabila. Angola e ne e-na le thahasello bakeng sa tšireletso; Namibia le Zimbabwe tsona li ne li habile maqhama a khebiso le DRC. Hamora' o ke moo Namibia le Zimbabwe li ileng tsa bolela hore DRC e li kolota bokhotho-khotho ba chelete ea libetsa.


Lintoeng tsena - ea Angola (e nkileng lilemo tse 30) le ea DRC lihlopoloeng tsa naha li ile tsa sebelisoa haholo ho tšehetsa matšolo ao a lintoa bakeng sa mahlakore 'ohle.

Boitšunyatsunyo ba Namibia le Zimbabwe bo tlile ka nako eo ho neng ho se nko ho tsoa lemina bakeng sa khaho-bocha methohong ea sechaba sa DRC. Ka hona DRC e ile ea kena litšenyehelong feela ka lebaka la thuso ea sesole eo e etselitsoeng. Leha ho le joalo balebelli ba bangata ba litaba ba lekhoneo ka sena se boleloang.

Likoete

tša MARA

tša Koemeng



*PV Snyman - Koete
ena ea mohlankana e
shahlileng e bontša
bokhoni le boiphihlelo
ba ho aha 'mele. Na u
ka itekela?*

Liponono tsa MARA



Botle bo hlolang!

Baroetsana ba Basotho ba khabile ka moaparo oa Sesotho 'Sekoele Basotho'



Tsa Bolumeli

Col Thabo Victor Mohapi



Moetapele oa hau e be Molimo

MOKO-TABA:- KANANELO EA BOHOLO BAMOLIMO LE MATLA ATHAPELO

Lentsoe la Molimo le baleha tjena Lipesalemeng (127 : 7)

“.....ha Molimo a sa tšireletse motse ha ho na thuso ea ho ba le balebeli.”

U ne u thabela ho sebeletsa `muso oa Molimo, naha ea heno e ka sita le lelapa la hau, mohlomong ho na le mabaka a u sitang. Mohlomong ha u ne u le moruihali u ne u tla thusa haholo mosebetsing oa Molimo, oa naha le lelapa la hau.

Mohlomong ha u ne u e-na le nako e ngata u ne u tla ikakhela ka setotsoana mosebetsing oa Molimo. Ke Eena feela ea tsebang hore na sena ke `nete. U na le khetho e le `ngoe feela joaloka mo-Kreste e leng ho rapella sechaba seo u phelang le sona.

Ha u beha bophelo ba hau bohle tlaas`a tataiso ea thapelo u tla hlokomela bohlokoa ba boikarabello ba hau. Ke boikarabello ba hau ho rapella `muso oa heno le bohle ba pusong. Thapelo ea hau e ka tliša khotso lipakeng tsa mekha ea joalo. Ke mekhahlelo eohle Moea o Halalelang thata li be bonolo.

Ho rapela ka Moea o bokhopo, likhohlano atisa monahano oa thulana le bothata ba ho rapela ho se joalo.

Hopola ho etsa Molimo setšireletso e le hore maqiti `ohle a Satane. Ha re loane le batho ba nama le se nang `mele - ba babe ba busang lefatše....

Sebelisa liqola tsohle tsa tšireletso ea Molimo ho hlola sera ho hlaha ka likanta tsohle, `me qetellong u tla lula u le mohloli. **Amen.**



boikarabello ba hau ho rapella sesole, balaoli ba sona le etsa hore tse shebahalang li le

Halalelang oa Kreste ea phelang ho ka felisa e ka sitana le lehloeo. Thapelo e khalalelo hore moo o neng o hlole ho e-ba

o tle o hlole meleko le mali; re loana le meea e mebe e

MOLIMO A LE HLOHONOLOFATSE BOHLE!

Baeti ba Molaoli oa Sesole Mejametalana

Lefapha la Bofofisi la Sesole sa Lesotho (LDF Airwing) le ikakhetse ka setotsoana ho khothaletsa le ho matlafatsa leano la thuto ka LDF le mafapha a fapakaneng a eona a kang lona la Bofofisi le Sepetlele sa Sesole ho barutoana ba likolo, haholo tse ka maloting, **PVT Hlaoli Moeletsi** oa tlaleha..



PVT Hlaoli Moeletsi


Haufinyane lefapha lena le sa tsoa amohela bana ba sekolo sa mathomo sa Khopung LEC se neng se le leetong la boithuto joaloka 'Baeti' ba Molaoli oa Sesole, 'me ba bile ba potoloso le makalana a mabeli a lefapha lena e leng la lifofane le la liroalankhoana

Captain Daemane Matamane, Molaoli (OC) Operations Lefapheng la Bofofisi, o ile a hlalosa hore ke mosebetsi oa bona oa mantlha ho abelana litaba tsa mosebetsi oa Lefapha lena le sechaba, le ha ba batla ba sekametse ka bacheng kaha ke teng moo ba ka hapang le ba fokolang ba ka lakatsang ho kena ka sesoleng.

O bontšitse hore, le ha ho le joalo, ba sa ntse ba ikakhetse ka setotsoana tšebetsong ena, "le ha mosebetsi ona ka kotloloho o lokeloa ho etsoa ke Lefapha la Liphatlalatso la LDF (LDF-PAO) kaha ele lona le sebetsanang le likamano le sechaba.

A supa hore ba sebetsa ka matla ho hlaba paatsane likolong hore bana ba ba etele ho tla ithuta ka tšebetso ea sesole, "kaha e le thepa ea sechaba." Capt Matamane a hlalosa hore ena ke tsela e 'ngoe ea ho khothaletsa batho ba ratang ho qetella ele bafofisi kapa batehi ba lifofane, ele lik'hamphaning tse ikemetseng kapa ha ba tlile ka litabatabelo tse tšoanang tsa bofofisi.

"Tjantjello ea rona e holima barutoana ba hlahang likolong tse thoko le litoropo



Baithuti ba bana baKhopung LEC ba ile ba re khalo Sepetleleng sa Sesole Makoanyane.

leng barutuoana ba sa kopaneng le lipheto ho tsa mahlale le bophelo ba morao-rao khafetsa," a rialo a tsoelapele ho supa hore ba lulang litoropong bona lintho tsena ke bophelo ba letsatsi le letsatsi ho bona 'me bana le malebela ohle a ho betana le lipheto ho tsa mahlale tsa letsatsi le letsatsi tsa bophelo.

"Bona ba na le monyetla oa ho tseba lintho tsena 'me khetho ea bona ea seo ba ka se etsang ha ba qetile lithuto tsa COSC sekolong e pharaleitse, empa re ke ke ra ba khesa le bona haeba ba bontša thahasello, a hlakisa joalo Capt Matamane.

Warrant Officer II Rethabile Mothibeli, ofisiri e ikarabellang ho batei ba lifofane hona lefapheng lena, eena o hlalositse hore ke tšoanelo ea ofisi ea hae ho manollala baithuti bana ba baeti tšebetso, thepa le sebopeliso sa mosebetsi oa bona.

"Sena re se etsa 'moho le ho fana ka malebela ho ba khothaletsa ho sebetsa lithutong tsa bona, haholo lithutong tsa

mahlale, molemong oa ho ba bafofisi le batehi ha e se e le masole a kamošo," a tlatsetsa.

WO II Mothibeli a tsoelapele ho supa hore ba boetse ba ikakhela ka setotsoana likamanong le sechaba ka ho eellisoa barutoana ka karolo ea LDF sechabeng ka kakaretso, le mosebetsi ea eona ea mantlha ea ho sireletsa naha le boleng ba Lesotho ho bopa mokhoa oa tšepano le neheletsano ea litaba le sona sechaba.

"Basuoe-hlooho ba likolo tse etileng ba ile ba khothaletsoa ho fetisetsa molaetsa ona likolong tse ling tse ahisaneng le bona ho sebelisa monyetla ona oa ho etela le ho tseba ka LDF le tšebetso ea eona," a tsoelapele WO II Mothibeli.

Ntate Emmanuel Mohobo, Mosuoe-hlooho sekolong sa mathomo sa Khopung LEC, o ile a leboha bafofisi bana ba LDF ka kamohelo e mofuthu, a leboha hape le mosebetsi oa bona o tsoileng matsoho

(Li tsoelapele leqepheng la 8)

...baeti ba Molaoli oa Sesole

(Li tsoa leqephehng la 7)

oa ho abelana litaba tsa tšebetso le barutoana. Litaba tseo motho a ka li tsebang ngope-setšoha.

A bontša hore hara tse ngata tseo ba li boneng le ho li utloa, sefofane sa CASA 202-30 se entsoeng Spain 'moho le seroalankhoana sa moetso oa BO 105 se hlahang Germany li bonahetse ele tsona tse hapileng maikutlo a bana le mesuoe ka ho tšoana.

“Re ne re sa lumele le hore masole ana ke ona a ka fofisang lifofane tsena a le mang ntle le thuso ea makhooa,” ka ho makala.

Mosuoe-hlooho a re sepheo sa mantlha sa ketelo ena ea boithuto e ne le ho utloisa barutoana hore na ho kopoana le ho buisana le lesole ke ntho e joang, mosebetsi oa bona ke ofe le hore ba ikutloele le ho ithuta ka bo bona hore masole ke batho, ‘me ba boitšoarō bo botle haholo.

Sepetleleng sa Sesole Makoanyane (MMH) Mooki e Moholo, ‘M’e Anna Kampong o ile a bontša baeti bana ba Molaoli oa Sesole bohlokoa ba Bathusi ba tsa Bophelo ba Thuso ea Pele (Paramedics) ka hara sesole, ‘me a manolla bohlokoa ba bona nakong ea nto.

A boela a lokolisa likarolo tsa sechaba tse thusoang ke sepetlele sena, tsona e leng litho tsa LDF le malapa a tsona, litho tsa tsa Sepolesa sa Lesotho, Balebeli ba Lichankana le Mautloela a naha.

Ntika Ntika (12) ea sehlopheng sa bone (4) hona Khopung, o bontšitse nyakallo e ke keng ea lekangoa ha a fumane monyetla oa ho bona le ho bua le masole, ‘me a bile a qala ho eelloa hore sesole se na le folakha ea sona e ikhethang.

A tsoelapele hore kamehla o ntse a lumela hore lesole ha se motho ea nang le maikutlo, empa mochini o etselitsoeng nto feela.

Ntika a supa hore ha ana bothata ba ho ea sebetsa sekoting Ha-Ratjomose ha a qeta sekolong, empa e tla ba feela ha eba a ilo fofisa seroalankhoana BO 105. A hlapanya are: “Ho fihlela ke e shoa, nkeke ka lebala sena seo ke se boneng ka

eo bana ba ithlophelang ho khetha bokamoso ka eona.

A hopola ka pelo e bohloko hore pejana baithuti hae mona ha bane ba batla ho nka maeto a boithuto bane ba leba Afrika-Broa libakeng tse kang Zoo Bloemfontein, Durban ekasistana le libakeng tse ling tse mose ho Mohokare.

A re: “Empa joale ho a thabisa ho eelloa hore ba se ba rata libaka tse ka hara naha



Barutoana ba Khopung LEC ba ile ba re khalo Sepetleleng sa Sesole

hara LDF kajeno.”

Ntate Paramente Phamotse, Mohlahlobi e Moholo (Bohlahlobing ba Likolo tsa Mathomo ba Lekala la Thuto) eena o bontšitse hore ba ofisi ea habo ba tšehetsa boiteko bona ba likolo tse ka

maloting, kaha ke tsela e ‘ngoe joaloka Lelapeng la Botlotlehi Maseru le Matsieng, litsing tse kang eona LDF le mafapha a eona, Morerong oa Metsi a Lihlaba le liea-le-moeng tse ka hara naha.”

(Li tsoelapele leqephehng la 20)

Garlic – Mpoli ea Methokho

Ho phela bophelo ho ntlafetseng ho'a putsa. Hloko-mela bophelo ba hau, ikoetlise 'me o noe metsi a mangata. Haeba o noa joala, noa ho lekana 'me se lebele ho fumantša 'mele limatlafatsi le lithibela mafu tsa tlafetso ho ipoloka o le sehlohlolong.

Hopola!

Sebelisa Garlic khafetsa kamoo o ka khonang hobane ke Mpoli ea Methokho.

Lebotho la Malala-a-laotsoe a Manamolela Afrika

Na LDF e tla o besa o tuke?



Maikutlo a mangata le morolo o mocha ka hara Sesole sa Lesotho (LDF) li tsoaloe ke tšebetso ea lenane la khaho-bocha ea sesole, tšebetso e kothomelelitseng sesole lepatlelong la boikarabello, tšebelisoano `moho le karolelano ea litsebo tsa sesole tikolohong ena ea rona ekasitana le lefatšeng ka bophara litabeng tsa sesole. `Me boetapele ba Lebotho la Malala-a-Laotsoe a Manamolela Afrika (ASF) ke phephetso e hohelang LDF ka mokhoa o matla haholo. **Ka 2Lt Selebalo Sebe, PVT Mosuo e Mofomobe le OA Khatebe Molefi**

Ha motho a bala maselelinyana, batho ba kopane kapa liqhooku tsa sesole li chesa lekomo ka litaba tsa polokeho le tšireletso ka leihlo la monn`a Moafrika, puo le thahasello ea ho thehoa hoa Manamolela a Afrika e hlahella khafetsa.

Commando Colonel Maaparankoe Mahao, Moeletsi oa Sesole e bile ele Motsamaisi oa Lefapha la Molao LDF, eena o bontša hore nako e fihlile joale ea hore Lesotho ele naha le itšupe, le thenthetse le supa tsela ha le kenya letsoho ka sesole sa lona meralong ea Matsema a Poloko ea Khotso (PSO) tikolohong ena ea Afrika e Boroa le lefatšeng ka bophara.

Cmd Col Mahao o hopola nalane le chebelo-pele ea babusi ba Afrika ka Mokhatlo oa Kopano ea Afrika (AU) - e tsoetseng toro ea Lebotho la Malala-a-Laotsoe a Manamolela

Afrika, seabo sa naha ea Lesotho le karolo eo LDF e lokelang ho e nka setla-bocheng sena....

Thota e sa namme

Matsatsing ana lipuo li ngata ka balebelli le bahlopholli ba litaba hore Lesotho le lokela ho ikitlaetsa ho tsoka sephali ha ho thehoa Manamolela a Afrika, haholo ha ele mona le filoe bolula-setulo ba Komiti ea Tšireletso le Polokeho (ISDSC) ea Lefapha la Lipolotiki, Tšireletso le Polokeho ka hara Mokhatlo oa Ntšetsopele ea Moruo oa Afrika e Boroa

(SADC).

`Me ka ho thehoa hoa Mphi ea Lebotho la Poloko ea Khotso ka hara LDF, tlasa tataiso ea Sehlopha sa Koetliso sa Sesole sa India (IATT), qholotso e kholo e hlahile ea ho bontša maemo a phahameng a boitšoarō, sepheo, boitelo le botšephele ele peheletso ea ho fumana LDF ele karolo ea Manamolela a Afrika. E boetse ele sesupo sa boemo ba eona ba boitokisetso le boiphihlelo.

Ho latela litemana tsa Molao oa Sesole Act No.4 of 1996, Part II Chapter 6, mabotho

(Li tsoelapele leqepheng la 10)

**Khotso ke Rakhali'a
rona Basotho!**

...Malala-a-Laotsoe

(Li tsoa leqepheng la 9)



Mosebetsi o mongata o sa tjemetse Barupeli ba Sesole ba Tikoloho ho sua banna bana ba mabotho ho a etsa ntho e le 'ngoe tlasa sekhurumetso sa Lebotho la Malala-a-Laotsoe la Afrika. Motsamaisi oa Mautloela a Sesole LtCol Matela Matobakele (2Lt ka nako eo) e leng oa boraro moleng oa bobeli ho tloha ka letsohong le letona, a roetse berete e 'maroon' - mona o boikoetlisong Nyanga Zimbabwe Setsing sa Koetliso ea Poloko ea Khotso.

a naha a ka fuoa taelo ea mosebetsi kantle ho meeli ea naha ena, 'me sena se lokisetsa sesole ho nka karolo litšoanelong tsa sona tsa machaba tse kang Matsema a Poloko ea Khotso le tšebelisanong 'moho ea tikoloho litabeng tsa sesole. 'Me Col Mahao o hlalosa hore litemana tsena tsa molao li lumella LDF ho sireletsa lithahasello le litabatabelo tsa naha, ele mobung oa Lesotho kapa kantle ho ona.

O hlalosa hore re le sechaba, re bile re le karolo ea machaba, re na le litabatabelo le lintlha tse ling tse itseng tsa bophelo tseo ha ho ka fosahala litholoana tsa tsona e ka bang tse bosula ho rona, haholo litabeng tsa moruo.

"Ha re nke mohlala a ntoea eo lefatše le ntseng le e loana hona joale khahlanong le bokhukhuni, taba ena e ka shebahala e sa re ame ele thoko le rona haholo, empa maemo ao litaba li sebetsoang ka ona matsatsing ana ke sona sesupo sa moo litaba tsa lefatše li lebang teng. 'Me re keke ra itulela mollong ra besa poone eaba re le-

betse, kaha ho hloka botsitso ho ka tsoaloang ke tsona litaba tsena bo tla re ama, kahoo re lokela ho bontša thahasello re phethe litšoanelo tsa rona," a tsoelapele.

Toro ea Manamolela a Afrika

Khajana naha ea Libya ka Moeta-pele oa eona e kile ea hlahisa maikutlo a hore ho thehoe Sesole sa Afrika, taba eo ha e nyakureloa hantle e bile e behoa litabeng tsa nalane e shebahalang eka e ne ele maikutlo a molemong oa thahasello tsa lipolotiki tsa eona Libya.

'Me feela holima ona maikutlo ao, Boeta-pele ba linaha tsa Afrika, 'mokeng oa bona, bo ile ba sehella thebe holima e 'ngoe ha bona ba hlaha ka taba ea Lebotho la Malala-a-Laotsoe, e seng Sesole sa Afrika 'Me qeto e sa tsoa etsoa haufinyane e lumellang ho thehoa hoa Manamolela a Afrika ke AU e hloka ho hlabeloa molilietane, haholo-holo ha Matsema a Khotso a eteletsoeng pele ke linaha tsa

Bophirima a 'nileng a tšoaroa Afrika mona a sa ka a fihlela tse neng li lebeletsoe. UNOSOM II e ileng ea nyopa hampe haholo mane Somalia e tla sala ele sehopotso se hlabisang lihlong.

Col Mahao o itse SADC e hatetse pele haholo ntlheng ena joalokaha matšolo a morao tjena a se a hlophisetsoa mabotho a seng maholo hakaalo (*brigade*), 'me ka hona lenaneo la ho thehoa hoa Lebotho la Malala-a-laotsoe la Afrika le nyallana hantle le se seng se entsoe lebatooeng lena.

O'a hlalosa: "Me seo se se se entse motheo oa mohopolo oa ho thehoa hoa lebotho lena, seo ka mohlomong motho a ka reng Mokhatlo oa Kopano ea Afrika o ithutile tse kholo ka tseo re li etsang lebatooeng lena."

Col Mahao o bile a bua ka mohato oa bohlokoa oo linaha tse hloahloeng ena li seng li o nkile oa ho tekenela tumellano ea Tšireletso e Kopanetsoeng ke linaha tsa lebatooa lena - Mutual Defence Pact, eo a itseng e

(Li tsoelapele leqepheng la 11)



Baboloki ba Khotso ba LDF boikoetlisong

behile lebatooa lena ketapeleng ea ho thehoa ha leboho la Afrika eohle.

Thahasello e ncha ea machaba

O bontša hape hore Sesole sa Manyesemane se ne se le teng kahara naha haufinyane ka Moeletsi oa Sesole oa Matlo a Boemeli a Manyesemane Brigadier General David Keenan - 'me 'moko oa litaba tseo a tlileng ka tsona ele hore naha ea Lesotho, joalokaha ele bolula-setulong ba ISDSC e tlamehile maoto le matsoho ho thenthetsa kapele-pele ho theoeng hoa Manamolela a Afrika.


Col Mahao a tsoelapele hore Manyesemane a ne a tlike ka thomo ea ho tla fumana hore

na ba ka thusa LDF ka tsela e joang ho itokisetsa mosebetsi ona o matla, ho fumana litsela tsa tšebeliso 'moho tseo ka tsona ba ka tsebang ho tšehetsa.

“Taba ena ke khatelo-pele e thabisang ruri.

...LDF e tlohele ho ineakanya le meriti ea matlo, e hlhelle bathong e eme ka hare-hare.

Manyesemane le linaha tse ling tsa Bophirima ba re lahlile joaloka lekoko le linta, ba re file koetliso e fokolang e bile e shebane haholo le ho re matlafatsa feela ho sebetso ka thata litabeng tsa ntlafatso tse kang khahlo ea marokho. Ba hlotsoe, ka boomo kapa ka ho se eelloe,



Poloko ea Khotso ... Ba Leboho la Poloko ea Khotso boikoetlisong.

ho matlafatsa sesole sa rona ele leboho,” a tsoelapele.

A bontša hore ka ho lula li lisitse tšebetso ea LDF ka leihlo le nchocho, linaha tsa Bophirima joale lia eelloa hore Lesotho le ha le fokola linthong tse ngata, le na le seabo sa sesole se ka abelanoang le tikoloho ena ea rona. Haholo ha ho shebiloe Matsema a Poloko ea Khotso.

“Sesole sa naha ea France le sona se bile koano, 'me le bona ba ne ba tlo leka metsi ka lere ho lokisetsa tšebeliso 'moho ea sesole. Ke lumela hantle hore moo ba lutseng, linaha tsa Bophirima ha li re sheba li ipotsa ka thata hore na ebe ha ba etsa phoso ka ho re halala ba bile ba tsamaea pele ho nako ho se thuso e kaalo eo ba re etselitseng eona,” a rialo.

A tsoelapele : “Mohlomong ba bile ba ntse ba ipotsa hore na ebe ha ba tloisa ho hong ho molemo mahlo, joale ba tšaba ha sekheohali seno seo ba se siileng se shebahala eka se tla tlatsoa ke Ma-India ka IATT kapa le ke sona sesole sa naha ea China seo le sona se seng se ntse se le temeng.”

Col Mahao o toboketsa ka matla hore mohoma o ka letsohong la LDF, 'me e lokela ho sebelisa monyetla ona e tlohele ho inehakanya le meriti ea matlo e hlhelle bathong e eme kahare-hare, kaha “machaba a hlokometse hore re teng 'me rena le seabo se seholo, bothata ke hore feela re lira tsa rona tse khohlo ka ho itšabella re sa sebelise menyetla ea rona ha ho uoa litabeng tse thata.”

Liphephetso

Kamora ho ithukhubetsa ka matla koetlisong tse 'maloa tsa tikoloho tsa Matsema A Poloko ea Khotso tse kang “Blue Hungwe” Zimbabwe, “Blue Crane” Afrika Boroa,

(Li tsoelapele leqepheng la. 18)

PEMCOS e tšoantšisa pale ea bophelo ba Morena Moshoeshe I

Matšoele-tšoele a neng a khobokane Holong ea Meketjana ea ntlo ea Borena bo Boholo a ile a hlaba litlatse ha sehlopa sa papali ea kalaneng sa Phethahatso English Medium Community School (PEMCOS) se hloella sethaleng ho ea hopotsa sechaba sa Basotho metso ea sona . Sgt Ntlele Ntoi o'a tlaleha.

Bosiung bo lelekellang ketekelo ea sehopotso sa Moshoeshe I, matšoele-tšoele a barati ba papali ea kalaneng a ile a khobokana holong ea ntlo ea Borena bo Boholo, Maseru ho ea boha tšoantšiso ea bophelo ba mothehi eo oa sechaba sa Basotho e ngotsoeng le hona ho hlophisoa ke Monghali Ramaphike.

“Khele, hona ke boipabolo ruri!” ho khotsa e mong oa balebelli, Mong Ratokelo Nkoka, Ramananeo seea-lemoeng sa sechaba, Radio Lesotho.

“Ke natefetsoe ke papali ena haholo hobane ka thoko ho hore ke bile e mong oa babohi ba eona phirimaneng ena ke motlotlo ho u tsebisa hore 'na joaloka mosuoe oa nalane le bochaba ke ikutloa ke khotsofetse haholo ha e le mona le bana ba utloile mohoo oa ka. Sekoele Basotho!” ke Mong Nkoka eo.

Nkoka, ramoetlo e moholo, har'a tse ling o re o khahliloe haholo ke moaparo oa Sesotho oo batšoantšisi ba neng ba khabile ka oona. O tsoetsepele ho hlalosa hore ke hantle haholo ha e le moo tšoantšiso eo e bapetsoe ke bana ba banyenyane hakaalo ka lilemo (9-12 ea lilemo).

Nkoka o tiisa hore seo se tla ba thusa hore ba hole ba rata papali ea mofuta oo, ho lekisa Basotho bao ba mehla ea bohoholo ka mekhoe e metle, 'me qetellong ba susumetse le thaka tsa bona ho latela mehlala eo.

E mong oa libapali tse ntseng li thuthuha, poropotloana e ntle 'Mathabo Duma, 12, oa Maseru West eo e neng e le Mofumahali 'Mamoha' o tšoantšisong eo, o ile a ipabola ka boqheteke ba hae hoo babohi ba neng ba sa tsohe ke litšeho. 'Mathabo o hlalositse

bo chabileng haholo papaling ea mofuta oona, ke Nkopane Lekhesa, 12, moshemane ea seemo se setle, ea shebahalang le hona ho ikonka joaloka morena ka sebele.

Nkopane: “Ke ile ka bala litemana tsa ka hantle pele letsatsi lena le fihla, 'me se



Ke bao hee, barutoana ba PEMCOS, ba lekisa tsa bohoholo - metso ea lōna Basotho

hore eena ke mabala a hae ao; etsoe a se a ile a nka karolo litšoantšisong tse 'maloa tsa tlhokomeliso ea lefu la mokakallane-oa-se-tla-bocha, HIV/AIDS.

“Ha se lekhetlo la pele ke tšoantšisa ho ba mofumahali. Ho feta moo, ke ile ka fumana sebaka se lekaneng sa ho boikoetliso, 'me ke ka hona ke neng ke sa tšoha ka pel'a ba lelapa la Borena bo Boholo le bahlomphehi ba bang phirimaneng ena,” ke 'Mathabo eo.

Ea neng a bapala e le Morena Moshoeshe I ebile e le e mong oa ba nang le bokamoso

neng se mpha maikutlo a boitumelo ke hore leha re se papaling bohle ba se ba ntšielana hlomphe kang e fuoang marena.”

Haele hantle bohle ba sehlopha seo sa papali ea kalaneng ba ne ba ipabola hoo balebelli ho akarelletsa le baemeli ba matlo a boqosa a linaha tse nang le setsoalle le Lesotho ba neng ba hapehile maikutlo ruri.

Ka sehlopha se kang seo sa PEMCOS moctapele oa sona Mofumahali 'Maleeto Mpholo o ne a e-na le mabaka a utloahalang a ho ba motlotlo ka sona.

(Li tsoelapele leqepheng la 13)

PEMCOS...

(Li tsoa leqepheng la 12)

“Ba sa le banyenyane, me ba na le neo ruri. Ke tebello ea rona bohle hore ha lilemo li ntse li loeana ba tla ipabola ho feta mona,” ke MofMpholo eo.

Leha ho le joalo se nyotobetsang maikutlo a MofMpholo ke hore e be ho fihlela joale papali ea kalaneng e ntse e e-s’o tume kahar’ a naha.


“Leha re e-s’o tsebe hore na ke neng Lekala la Thuto le tla hapella papali ea kalaneng lenane-thutong la likolo, re se re ka tšepa feela hore e tla re ha barutoana bana ba fetela likolong tse mahareng kapa tse phahameng eka tsohle li ka ba tsamaela hantle,” ho rialo MofMpholo.

Papali ena ea Moshoeshoe I e fupere thuto ea bohlokoa le boithabiso hoo bohle ba ka thabelang ho e boha. Kamohlomong ha ho ka etsahala hore e bapaloe hape kae-kae, etsa bonnete ba hore o fumana monyetla oa ho kena sebaka se sa le teng.



Tlotlisong ea Mothehi le Moetapele oa Sechaba sa Basotho -

Moshoeshoe I



Eka mohoo oa Tichere Nkoka, 'Sekoele Basotho!' o ntse o thopothela lipelong tsa bacha ba naha ena... Botle bo tjena ha ke e-s' o bo bone!

Kutloisiso ka HIV/Aids e anela mabothong

Mehlang ea pejana ho sa le monate, motho ha a ne a itela tšea botle ho moroetsana, ene eba nako e monate ea karolelano ea mofuthu oa lerato, monna a theohele tlasa nko khafetsa 'me a be a qetelle a ile sekanteng ka letsoalo le khutsitseng. Le banna ba khomo-ea-maoma nakong eno ba ne ba tolokoa ba se kotsing empa ba fapane kelello, 'me le ha motho a ne a thusa motsoalle ea khakhathiloeng, ea lutlang mali o ne a eba motlotlo. Empa hoa hlaha e 'ngoe taba, kokoana-hloko e kotsi e bolaeang mofo le morena e sa khetholle. **OA Khatebe Molefi** oa tlaleha.

Ho tloha ka selemo sa 1986 ha mokhosi oa pele oa tšoaetso ea Koatsi-ea- Bosolla-Hlapi (HIV/Aids) o utloahala kahara naha ea Lesotho, litaba tse amanang le seoa sena li bile melomong ea batho nako eohle. Morao tjena li se li fetohile 'moko-taba ka likanta tsohle, o tla li utloa baneng ba sekolo, maselinyaneng, liphepheseng, ho baruti ka likerekeng, litebelong le mapatlelong a metse mona moo bo oa ntekatekane oa-maka oa-leshano ba ratang litaba tsa batho ba khobokanang teng.

Litšomo le mashano ao batho e saleng ba a bolelloa ka HIV/Aids li qhaletsoe thotobolong ea tebalo, 'me ha ho ea sa ntseng a ingoaea hlooho ka mekhoha ea tšoaetsano, motho o touta feela hore na eena o phema joang kholumo-lumo ena.

Ba seng ba tšoaletsoe ba hoeshetsa hore na tšoaetso ea sebolai sena, e seng e le karolo ea maphelo a bona, e tla ba ama joang nakong ena e setseng ea bophelo, ha ba amehileng bona ba lla ka hore na ba ke ba qetella ba tšoaletsoe.

Haufinyane ngoananyana e mong ea neng a shebahala a bo khile ka likhopo ka koloing ea baeti e lebang Ha-Tšosane, Maseru, o ile a siea bapalami ba bang ba opeloa ke litlena ke ho tšeha ha a ntse a pheta litabanyana tsa hae tsa lerato, le e mong mohlankana oa hae (*le ha ke timelloa ke lebitso*) eo a reng o ne a qetelle a ile sekanteng a sebelisa polasetiki tse mona tse re phuthellang mabenkeleng ha a eelloa hore ha a na likhohlopo ka sepacheng sa hae.

Ngoananyana enoa, ea tala ka hanong tjena, ha a ntse a tsoelapele ho manolla 'taba tsena tsa hae tseo a reng li etsahetse ntlong ea boikhutso ho tse ling tsa litakana tseo a inyorollang ho tsona, o ne a buoa a tenehile ke ketso ena ea eo mohlankana oa hae kaha eena a supa hore ha a hloke ho sebelisa khohlopo kaha a sa lumele le hore HIV/Aids ena ke ntho e teng. A supa hore ke tšoso ho sitisa batho ho inyakalatsa.

Pale ena e hlohlontšang litsebe e phetiloe joalo ea ba ea fella kahara molumo o mongata oa litšeho tsa bapalami ba maketseng, empa setšoaantšo seo e sihileng e se takile likelellong tse ngata se ne se ka nna sa hlokisa ba bangata ba pholileng ka kelellong boroko.

Kamora pheletso ea litaba tsena lipotso li 'nile tsa ipetsa. Na ho sa le teng batho mehlang ee le 'nakong tsee ea sa lumeleng hore HIV/Aids ke

ntho e teng? Ke ba bakae likhahitseli le baena ba kenang hara qhafutso ea thobalano ba sa tsebe litholoana tsa liketso tse joalo? Ka bo mong kapa ka bongata sechaba se kenya letsoho ka tsela efe ho abelana le ho anetsa litaba tsee tsa seoa see se secha le bo-'mphato oa bona?



Mooki Kampong o re Mabotho morao tjena a hlokolosi ho feta pele ka litaba tsa HIV/Aids

Mooki e Moholo (PNO) Sepetleleng sa Sesole sa Makoanyane (MMH) 'M'e Anna Kampong eena o re tikolohong ea tšebetso ea MMH neheletsano le karolelano ea litaba tsa HIV/Aids sechabeng le thakeng e ncha, e pharaletse 'me e ntse e phahama ka mokhoa o khotsofatsang, haholo-holo hara mabotho a sesole. A re kutloisiso le phetoho ea boitšoarō e ea anela ka kakaretso, le ha mona le mane mathatanyana a ntse a rothela.

'M'e Kampong a tsoelapele hore ho shebahala banna ba mabotho ba tšehetsana, hoo ba eng ba qetelle ba khotsoletsane ka bo bona ho tla litekong tsa tšoaetso ha eba e mong a shebahala a kula, ho sa tsotellehe hore na o jeoa ke eng.

(Li tsoelapele leqephe la 15)

Kutloisiso ka HIV/Aids ...

“Bolaoli ba bona le bona bo e bo nke boikarabelo ba ho romela batho mona ba kulang ho tla etsa liteko, ho sa boleloe hakaalo hore ba na le tšoaetso, empa ho tla lipuisanong le boeletsing. `Me qetellong ba ikhethetele ho etsa liteko kapa ba eletsoe joalo ke bo-`mphato oa bona,” a rialo `M`e Kampong.

O motlotlo ka sebopeho sena sa litaba kahara mabotho, kaha a hlalosa ha boemo bo tjena bo tla thusa ho fokotsa palo ea tšoaetso tse ncha tse neng li ka hlaha `me e be e thuse le bao ebang ba se ba tšoaelitsoe ho itlhokomela hantle kaha joale ba se ba seba boemo ba bona.

Mananeng a sona a ho kenya letsoho toantšong ea lefu lena la HIV/Aids, Sepetlele sa Sesole se thakhotse lithupelo le liboka tsa HIV/Aids ka lekalana la sona la thuto ea tsa bophelo `me le boela le matlafatsa thaka e ncha ho abelana likeletso le litsebo tse tla ba thusa ho phema le ho e hlanaka khahlanong le lefu lena maphelong le moo bakopanang teng.

Theko le phepele ea likhohlopo, e etsoang ka cheletana e `nyane ea MMH, ke karolo e `ngoe ea ntoa ea eona khahlanong le Koatsi ea Bosolla Hlapi le ha matla a chelete a fokola `me phepele le kabo ea likhohlopo e sa anele mabotho ka mokhoa o khotsofatsang.

Letona la Tšireletso le se le fane ka Mohlala. O ipiletsa ke hona ho rona bohle ho o latela. Ithaople ho etsa tlhathobo ea HIV/Aids!



AIDS e`a bolaea!



Lt Col
Matela Matobakele

Motsamaisi
Oa Mautloela a Sesole
(Military Intelligence)



Pipe Band: Makolulo a 'mino le Booki ntoeng

Neheletsano ea nalane ea sesole e re ruta hore nakong eo khotso e renang, liletsi tsa liphala ka hara sesole li hlabolla meea ea sechaba ka makolulo a liletsa tsa ona, meloli e pakahatsang tlhoho haeba ho ne ho thulantsoe lithebe. Kapa e kaba koli-ea-malla e kokobetsang pelo le ho isa tlhompheho ho bahale ba oeleng ka mekokotlo hona ntoeng tseo; Liletsi tsena, ka nako ea ntoa hantle ha khabo e tuka li tlola matjato ele baoki ba mahlasipa a ha ho nkhisetsanoa mahafi, LDF Pipe Band le eona e sa tsoa koetlisetsoa maemo a tjena, joalokaha PVT Hlaoli Moeletsi a tlaleha.


Ka pheletso ea koetliso ea bona ea Thuso ea PeleNo.6, Liletsi tsa Pipe Band li behiloe sehlohlolong ho kallana le ho matlafatsa maemo ana a lebeletsoeng a tšebetso ho liletsi tsa liphala ka hara sesole, maemo a tsetelehileng ka hara metheo ea tšebetso le litloaello tsa sesole.

Ha a tekela Pipe Band litaba koalong ea thupelo ena, Brigadier Thoriso Mareka o ile a thoholetsa ka mokhoa o sa thekeseleng Sehlopha sa Koetliso sa Sesole sa India (IATT) ka ho theha sehlopha sena sa liletsi le ho se hlophisetsa hore se lokele ho ba bahlabolli ba meea ka 'mino nakong ea khotso le baoki ba mabotho nakong ea ntoa.

A supa ha pheletso ea thupelo ena e le katleho ea ho fihlela sepheo se behiloeng ha Pipe Band e thehoa, e leng se neng se lumellanoe ke Molaoli e Moholo oa sesole sa Lesotho Lieutenant General Makhula Mosakeng le IATT tlasa bolaoli ba Brigadier Jasbir Singh (eo e neng ele moeletsi oa tsa tšireletso) nakong ea boetapele ba hae ba IATT koano Lesotho.

“Ke lebohela bohle ka ho phethela thupelo ena, empa hopolang hore thota e sa namme kapele ho lona kaha joale le mesebetsi e mengata. Le liletsi tsa liphala 'me le se le ekelelitsoe ka litsebo tse ikhethang tsa booki,” Brig Mareka a ba hopotsa.

A boela a potlakela ho ba hlokomelisa hore, le ha ba ntse ba fana ka meloli e monate ea liphala hona ha ho bolele hore liphala e tla ba 'khomareli-ea-



Hoa banna bana ha se ho thabisa matsoele feela -- e boetse ke baoki

kokotane, 'boko sa e'shoa le lenono'. Lebaka ele hobane Pipe Band e tla 'ne e fuoe mesebetsi e meng e e lokelang joaloka karolo ea sesole, a tea ka mohlala oa kotsi e mpehali e sa tsoa etsahala moo bana ba sekolo sa Kolonyama ba 15, mosuoe, moqhobi le mothusi oa hae ba lahlehetsoeng ke maphelo.

“Tilinyang meropa eo ea lona nakong ea khotso, 'me le tlole matjato joaloka baoki ho thusa ba lemetseng ka linako tsa ntoa,” a thatiseletsa.

Warrant Officer II Mohato Bereng, Mokoetlisi ho tsa Thuso ea Pele sepetleleng sa sesole sa Makoanyane (MMH), eena o bontšitse hore ho bonahetse nako e filoeng thupelo ena e le khutšoanyane haholo hoo ba sitiloeng ho phethela tse ling tsa liteko tse neng li phuthetsoe ke thupelo bakeng sa ba neng ba e kenetse.

A supa hore: “Re atlehile ho etsa teko e le 'ngoe feela

holima tse supileng tse neng li lebeletsoe, 'me sena se tsoetsoe ke tšenyeho ea nako e ngata ha re ntse re leka ho tsamaea ka sekhahla se neng se lumella ba neng ba kikitlile likarolong tse ling tsa thupelo ka lebaka la likhahello mothehong oa lithuto tse neng li fanoa.”

WO II Bereng o bontšitse tšepo hore, le ha ho le joalo, e se eka bolaoli ba LDF ka tlatsetso ea Motsamaisi oa MMH bo ka eketsa nako ea lithupelo tse tšoanang nakong e tlang, le ha e tla ba boemong bo ka pejana.

Ha a manolla tse neng li phuthetsoe ke thupelo, Major Sanjay Mavrya oa IATT, o itse thupelo e ne e akaretsa thuso ea pele, tsebo ea likarolo tsa 'mele oa motho 'moho le tlhahlobo ea likarolo tse joalo ekasitana le taolo ea maemo a tlokotsi a bophelo ba motho - ele a tsitsipano kapa a mang.

(Li tsoelapele leqepheheng la 17)



Banna ba masiba a mehololi bana ke bona ba Rupertsoeng ka ho tlaa litabeng tsa booki

(Li tsoa leqephe la 16)

a tlatsetsa ka hore, “ho ne ho thabisa ho elelloa hore ho bohle ba kenetseng thupelo meea e ne e phahame, ba le morolo ba bile ba nyoretsoe ho tseba”.

A boela a khothaletsa litho tsa Pipe Band tse kenetseng thupelo ho sebelisa litsebo tseo ba li fumaneng 'me ba be ba li abelane le ba bang, kaha sena se tla eketsa tsebo ea bona, se chorise seo ba seng ba se tseba 'me qetellong ba fetohle baoki ba 'makhonthe.

“Re utloile le likhotha-

letso tsa lona 'me re li amohetse, 'me ke tšepa hore li tla re thusa ho ntlafatsa maemo a lithupelo tse tlang ho tsoaroa kamoso,” ho rialo Maj Mavrya.

Private Sechache Nkunyane, lebitsong la ba kenetseng thupelo o itse thupelo ena ea booki e tllile ka nako e nepahetseng, haholo ha ba sa tsoa qeta e 'ngoe ea Pipe Band 'me lihlooho li sa pholile.

Pte Nkunyane a hlalosa hore, ele Pipe Band ba ea itšepa 'me ba lumela hore joale ba fihletse boemo boo e tlabang masupa-tsela hara lefifi la maemo a tlokotsi a ka aparelang LDF le

sechaba sa Basotho kakakaretso, o boetse a re thupelo ena a bonahala e chabisitse lintho tse ngata sehlopheng sena sa liletsi.

A leboha bolaoli ba LDF, ka letsoho la Motsamai si e Moholo oa MMH ka monyetla o fanoeng ho Pipe Band ho rupeloa ka tsela e tjena, le ka monyetla oa leboho lena oa ho fetoha e 'ngoe ea litšiea ka har'a mabotho a LDF.

Pipe Band – Motsoako o mocha oa liletsoa kahar'a Band ea LDF

Tlotlo ho Masole a Lintoa tsa Lefatše



(Sheba leqephe la 29)

...Malala-a-Laotsoe

(Li tsoa leqepheng la 11)

Tanzanite” naheng ea Tanzania le “Blue Angel” mane Zambia, ho bile ho ena le palo e ngata ea litho tsa sesole tse rupetsoeng koetlisong tsena, motho a ka bua ka sebete hore LDF ena le sohle se ka e lumellang ho betana le qholotso ena ea Leboho la Manamolela la Afrika.

Empa le ha hole joalo Col Mahao o hlalosa hore qoba la koae ha le nkho e ka nko, litaba tsa ho thehoa hoa Manamolela li ka ba le mathata a tsona. A supa hore ha sesole se itokisetsa ho ea rarolla mathata a itseng, tlhokeho ea lisebelisoa eba bothata ba `koba khomo kaha boholo ba linaha tsa Afrika ha ese kaofela li kojoana li mahetleng.

O re mehloli ea mathata ana ke ea sepolotiki le ea moruo, le ha feela qetellong mathata ana eba a sesole.

Ka lehlakoreng la lipolotiki o buile ka tlhokahalo ea ho ba `ntsoe leng liqetong ho sa natsoe sebopeho sa puso ea naha ka `ngoe. A supa hore linaha tsa Afrika li busoa ka litsela tse fapaneng, tse ling li tlasa puso ea Borena, joaloka Lesotho leha e fapana le Swaziland, tse ling ke li-Republic (*le ha li fapana ka kutloisiso le tšebetso tlasa puso ea sechaba ka sechaba*), `me sena se baka ho se amohelane hoa linaha.

“Ha se bothata ba monna oa lesole hore na naha e busoa joang, ke `taba ea bo ralipolotiki ho e seka-seka feela e sala ele bothata bo ka tlisang ho se lumellane ha litaba tsa naha ka `ngoe li lokela ho sebetsoa. Haholo ha re sheba lipallo tsa Defence Pact. Na ho tla ba le boikemisetso ha mathata a hlaha?” a botsa.

A tsoelapele ho supa hore bothata bo bong ke ba moruo o thekeselang, hobane ha

Nalane ea Thupelo:



Thupelo: Blue Hungwe
Sebaka: Zimbabwe
Selemo: 1997
Lenane: Platoon
Bohlophisi: Linaha tsa Scandinavia



Thupelo: Blue Crane
Sebaka: South Africa
Selemo: 1999
Lenane: Platoon
Bohlophisi: Linaha tsa Scandinavia



Thupelo: Tanzanite
Sebaka: Tanzania
Selemo: 2002
Lenane: Platoon
Bohlophisi: France



Thupelo: Blue Angel
Sebaka: Zambia
Selemo: 2003
Lenane: Section
Bohlophisi: SADC-SAC



...Malala-a-Laotsoe

(Li tsoa leqepheng la 18)

ho lokeloa ho romeloa mabotho kantle ho naha a lokela ho fumantšoa tsohle tse tla a bebofaletsa ho phetha tšebetso, 'me hona ho bolela chelete.

“Na Lesotho le ka ba le bokhoni ba ho tšehetsa LDF ha e rometsoe DRC? Ho ea ka 'na seo se ka ba boima haholo, hobane ha re na moruo o toma ho re re ka fumana thepa e hlokahalang. Re na le leboho la poloko ea khotso le rupelletsoeng, empa e seng bokhoni ba ho le fa litlhoko tse lokelang,” e boetse ke eena eo.

“Ha esita le matšolong a boikoetliso hae moo ho le boima hakaale ho isa mabotho libakeng tsa boikoetliso,” a phahella joalo.

Temana ea botšelela ea tumellano ea Tšireletso e Kopanetsoeng ke linaha tsa lebatoa lena - Mutual Defence Pact, e lokela ho hlomathisoa hore e arabele bothata bona ba tšebetso ka thepa bo teng mabothong a linaha tse ling.

Linaha tse ling li bonahala li ile tsa e-ba lehala feela ho bona tabatabelo ea tsona e phethahala, empa li boetse li lebeletse hore tšebetso ea morero oona ka lichelete e sale e le moroalo oa tse ling.

“Ke lumela hore tsela ho nkiloe e napahetseng, 'me le tabatabelo ke eo, feela ho hopoloe hore tsohle ho na le moo li thomehang teng, 'me ho tla nka nako ke hona.” eketsa joalo.

Na re ka laola Matsema a Khotso?

Ho nka karolo kapa hona ho etella pele Matsema a Poloko ea Khotso ha ho kaloe ke lipotongoane kapa hore na leboho le hlometse hakae, taba ea mantlha ke tharollo ea likhohlano, 'me Col Mahao o hlalosa hore “ke 'nete hore ha ho uoa

(Li tsoelapele leqepheng la 20)



Sesole sa Lesotho se fihletse boemo ba ho tšoarisa mosebetsi le Mekhatlo ea Machaba ho baballa Khotso ea lefatše

Rea u amohela, 'm'e!



Mongoli e Moholo oa Lekala la Tšireletso

Mof. M. S. Lebesa

...Malala-a-Laotsoe

(Li tsoa leqephehng la 19)

moo khabo e tukang sesole se seng le se seng se lokela ho hlomela. Empa ha ho sesole se nkoang se le ka holima se seng, 'me le rona re ka baloa hara tse hloahloa hobane ka nako e 'ngoe ho hlomela haholo ho tlisa mathata a hona le liphoso tse sa hlokahaleng."



Sechaba le sona se na le tokelo ea ho tseba hore na Poloko ea Khotso ke eng, 'me e sebetsoa joang. Mona karolo e 'ngoe ea sechaba e tlile boithutong nakong eo Baboloki ba Khotso ba leng boikoetlisong

...baeti ba Molaoli oa Sesole

(Li tsoa leqephehng la 9)

Ka LDF Ntate Phamotse a supa ka motlotlo tšebeliso e teng lipakeng tsa eona (ka *Engineering Section*) khahong ea likolo tsa mathomo e ntseng e tsoelapele hajoale moo LDF ka Lefapha la Bofofisi e nkileng karolo ea mantlha ea ho tsamaisa thepa ea meaho ka seroalankhoana. A re sena ke mokokotlo oa mosebetsi ho latela ofisi ea habo.

"Kopanelo ena ea mosebetsi ke boikitlaetso ba LDF le Sesole sa Amerika ka US European Command," a hlalosa joalo.

"Teboho e tsoang botebong ba pelo ke e fetisetsa ho

"Taba ea bohlokoa mona ke leano la hao la poloko ea khotso, likamano tsa hao le mahlakore a qhoebeshanang, le hore na o itlthahisa joang ho batho bao o ilo ba namola hore ba o amohele ole motho oa khotso," a rialo.

Col Mahao o ile a hopola bokena lipakeng ba SADC ka 1998 Lesotho ka ho ikhetha kamoo sesole sa Botswana se ileng sa

amoheleha kateng papisong le sesole sa Afrika-Boroa.

Melemo

Col Mahao o re ke 'nete hore sethathong ha mabotho a linaha a e-ea matšolong a poloko ea khotso a lebeletsoe ho itjara. "Empa chelete eo Mokhatlo oa Machaba a Kopaneng o e lefang mabotho a matšolong a joalo e mothangoana hoo ba khutlang ba e-na le chelete tse toma tsa lichaba tse ruileng hoo e bang mouno ho bona," a rialo.

"Thepa e cha le eona e-ba e tla ba teng. Masole a rona a fumane monyetla oa ho sebelisana 'moho le mabotho a linaha tse ling le hona ho ikokhela malebela a bohlokoa a morao-rao ho tsa sesole. Ka hona moo ba shebane le ho ithuta tsa bohlokoa ho e-na le ho raha qheme hae mona," e boetse ke Col Mahao eo.

Ntlha e 'ngoe ke hore litho tsa LDF li ke li be li boiphihlele bo bocha ka linaha tse ling moo li ka sebelisang bokhoni ba tsona matšolong a poloko ea khotso, 'me a be a qetelle a se a memeloa matšolong a joalo khafetsa-khafetsa.

Litho tsa Lebotho la Poloko ea Khotso la Sesole sa Lesotho ha lia lokela ho lebala ke hona hore 'moloki oa khotso ke moemeli oa Mokhatlo oa Machaba a Kopaneng le oa naha ea habo. Boitšoaro ba hae ka thoko ho libaka tsa matšolo a poloko ea khotso le pele ho thomello ea hae kante ho meeli ea naha ena bo lokela ho bontša boemo le boleng boo machaba a lefatše a ka bo khotosofallang.

LDF e ikitlaeletsa ho
atametsa le ho
nanabeletsa litaba tsa
eona sechabeng le ho
thusa ka litšebeliso
tseo e li khonang ho
sona sechaba

AIDS EA BOLAEA!

Mabotho a khabe ka mebala - Maj Gen Makoro Bafofisi ba fumana seaparo se secha



PVT Sakeng
Lekola

Molaoli oa lefapha lena, Major General Sam Makoro o re mohopolo ona oa ho fetola moaparo hore o tsoane tikolohong ka moka, o ile oa hlaha liphuthuhong tsa tikoloho tsa Standing Aviation Committee (SAC) moo ho lumellanoeng hore le linahang tse nyenyane tse hloakang sesole sa moeeng (*joaloka Lesotho*) seaparo se be seng ho tsoanoeng kaofela.

“Le ha rona re ena le Lefapha la Lifofane feela, eseng sesole sa moeeng, ho lumellanoeng hore re tla sebelisa se tsoanang le tse sebelisoang ke masole a moeeng linahang tseo a leng teng tikolohong ena ea rona,” Maj Gen Makoro a bontša joalo.

A re ho fumanehile hore mesebetsi e etsoang ke sesole sa moeeng le e etsoang ke lefapha la lifofane feela ha ea fapana haholo, ntle le hore

E le karolo ea mosebetsi o matla oa khaho-bocha ea Sesole sa Lesotho (LDF) - le ha se bile se hloka lipotongoane tsa ho ba le sesole sa moeeng (airforce), Lefapha la Lifofane tsa Sesole (airwing) la LDF le kentse tšebetsong seaparo se secha se tsoanang le sa masole a mang a moeeng tikolohong ena e ka Boroa ho Afrika.

lefapha la lifofane ha le na lipotongoane tsa ho loana kapa hona ho itšireletsa khahlanong le litlhaselo tsa moeeng,” a tsoelapele ho hlalosa Maj Gen a bile a supa boikoetliso bo sa tsoa tsoaroa haufinyane ba “Blue Angel” mane Zambia.

“Linaha tsohle tse nkileng karolo, ele sesole sa moeeng kapa ka lona lefapha la lifofane feela, li nkile karolo tšebetsong ea ho tsamaisa lijo ka lifofane ho li isa libakeng tse neng li otliloe ke tlala haholo Zambia moo, `me mosebetsi ona o ne o kopanetsoe o bile o etsoa ka makhetha a tsoanang ho se khethollo ea letho,” a tsoelapele ho hlalosa.

Maj Gen Makoro a supa hore ho latela litumellano tse entsoeng ke SAC, Molaoli oa Sesole sa Lesotho o ile a tsebisoa meralo eohle le liphetho

tse lokelang ho etsoa, `me a khothalletsoa ho fana ka tumello hore seaparo se secha se seputsoa ba leholimo sa bafofisi se kengoe tšebetsong joaloka linahang tse ling.

Maj Gen Makoro a tsoelapele ho hlalosa ha seaparo sena se secha se tla aparoa feela ka matsatsi a itseng a beke, e leng ho tloha ka `Mantaha ho isa ka Laboraro. A re matsatsing a mang ho tla sebelisoa sona sa khale sa mabothong se neng se ntse se sebelisoa, `me sena se secha se tla boela se sebelisetsoa mekete e meholo.

A supa hore ha seaparo sena sa mabotho sa khale se ntse se le teng, se tla tsoelapele ho sebelisoa le mesebetsing e meng ea lefapha joaloka nakong ea matšolo a khethehileng a kang a pholoso le kabo ea lijo nakong

(Li tsoelapele leqepheng la 22)



Basebetsi ba lefapha la sesole la ba apere seaparo sa bona se secha

Mabotho a khabe ...

(Li tsoa leqepheng la 21)

ea likoluo.

“Sena se tla phahamisa moea oa sesole haholo kaha tšebeliso ea mebala e fapaneng ka hara mabotho ho a khetholla e potlakisa le ho hlekela liphetofo, morolo le ho fana ka seriti ho lebotho le joalo,” a rialo a bile a tlatsetsa hore lekalana le leng le le leng ka hara sesole le lokela o ikhetholla ka moaparo le mebala ele ho susumetsa monna e mong le e mong ka hara lona ho ikotla sefuba ka lona.

A re le ha ho le joalo, liphetofo tsena ha lia lokela ho nkoa ele ho itlhoma thupeng le ho itšeka thajana hoa lefapha la bafofisi, kaha “re ntse re le karolo ea sesole sena ka hohle-hohle `me le litaelo re ntse re li fumana ho hlaha ho Moaloli oa Sesole moo lesole le leng le le leng le okhang litaelo teng.”

Bala MARA
O fumane litaba tse
amang LDF li nepahetse,
'me u bile u li fumana
ka nako

Ba bang ba Bo-Ralitšoantšo ba LDF Photography Section





Bafofisi ba Zimbabwe ba fumana koetliso Lesotho



Li-thane tse 255 tsa libuka li fihla likolong



Bana ke Bafofisi ba Sesole sa Zimbabwe moketjaneng oa pheletso ea koetliso ea bona tlasa botataisi ba LDF Airwing

Kopanong ea komiti ea tsa bofofisi ea linaha tsa tikelohlo e ka boroa ho Afrika (*Standing Aviation Committee - SADC-SAC*) selemong se fetileng Maseru, ho ile hoa fihleloa qeto ea hore sepheo sa mantlha sa SAC ke ho etsa bonnete ba hore komiti eo e feela e etsa mosebetsi oa eona oa boikoetliso le ho thusetsa likoluoeng, e seng ho etsa liqeto tse hloakang bophethahatsi.

Ka lebaka la boitlamo bona ba mosebetsi, lefapha la lifofane tsa Sesole sa Lesotho le sa tsoa phethela koetliso ea bafofisi ba babeli ba Sesole sa Zimbabwe ho fofisa liroala-nkhoana ka lithabeng. Thupelo e ne e le ea libeke tse peli.

Lebaka la mantlha e ne e le la ho beha bafofisi bohle ba linaha tsa Afrika e ka boroa boemong bo tsoanang, e le hore

ba tle ba khone ho phetha mosebetsi ofe kapa ofe tlaas'a maemo 'ohle a tšebetso ho sa natsoe libopeho tsa naha eo ba sebetsang ho eona.

H'a koala ka molao thupelo eo, Major General Thuso Motanyane ea ileng a bua lebitsong la Molaoli oa Sesole sa Lesotho o boletse hore e se e le makhetlo joale Sesole sa Lesotho se kenela boikoetliso bona bo kopanetsoeng ke linaha lebatooeng lena, empa ena ebile e ikhethang.

"Koetliso ena ebile ea mofuta oa eona hobane e ne e kenyetsa mesebetsi ea ho thusa sechaba." Ke Maj Gen eo.

Molaoli oa lefapha la lifofane tsa sesole Maj Gen Sam Makoro o utullotse hore komiti ea linaha tsa SADC e khethile naha ea Lesotho e le eona e ka sebelisoang bakeng sa bofofisi kaha e le eona e

bophahamo le sebopelo sa lithaba se ikhethang.

A tsoelapele ho hlalosa hore lethathamo lena la boikoetliso le reretsoe ho ntlafatsa tšebeliso 'moho lipakeng tsa linaha SADC.

Maj Gen Makoro a tsoelapele ho hlalosa hore lefapha la lifofane tsa Sesole sa Lesotho le ntse le lohotha ho romella ba bang ba bafofisi le batehi linaheng tse kantle, a rialo a qoholla naha ea Botswana, 'me sena e ntse e le mokhoa oa boikoetliso.

"Bafofisi le batehi ba rona ba tlameha ho ba le litsebo tse phethahetseng tsa ho fofisa libakeng tse latschileng le mahoatateng a chesang joaloka Botswana.

"Ha rea lokela ho ba le litsebo tsa sebopelo sa naha ea habo rona feela kaha ho e-na le maemo a tla re tlama ho ea sebetsa linaheng tse kantle," a hlalosa joalo Maj Gen Makoro abile a hopola hore mesebetsing e kang ea liphallelo le ea pholoso e ka hlahang lebatooeng lena, sesole sa Lesotho se tla tlameha ho ea nka karolo.

Motlatsi oa Molaoli oa Lefapha la Lifofane tsa Sesole sa Lesotho, Colonel Thabo Victor Mohapi eena o bontšitse hore thupelo eo bafofisi bana ba tsoang ho eona ke pontšo ea kutloano e teng linaheng tsa SADC.

Col Mohapi a utulla hore letšolo la ho tsamaisa libuka e bile le atlehleng kaha 'li-thane' tse 255 tsa libuka li ile tsa

(Li tsoelapele leqepheng la 24)

Bafofisi ba Zimbabwe ba fumana thupelo...

(Li tsoa leqepheng la 23)

romelloa libakeng tse ka maloting ka nako ea libeke tse peli e le ho otlala nonyana tse peli ka lejoe le le leng.

Ka boitumelo bo boholo Col o itse, "Ke motlotlo hore e be kakaretso ea lihora tse mashome a robong tsa ho fofa e ile ea fihleloa ka matsatsi a mabeli. Re atlehile ho fihlela sepheo sa rona ho sa tsotellehe maemo a seng matle a leholimo ao re ileng ra kopana le oona haholo bekeng ea bobeli."

Col Mohapi a hlalosa hore bafofisi ba naha ea Zimbabwe ba na le litsebo le maqiti a phethahetseng a bofofisi. "Ka mokhoa o tsoanang le rona re ithutile tse ngata ho bona."

Lebitsong la ba neng ba le thupelong ena ho hlaha Zimbabwean Air Force Squadron (ZAFS), Squadron Leader Robert Kaseke o boletse hore ka lebaka la neheletsano e batsi ho tsoa ho bafofisi ba Sesole sa Lesotho, ba ithutile tse ngata, 'me joale ba se ba ka fofela hohle hape ba se ba tla fofa habobebe ka har'a lithaba tsa naha ea habo bona tse nyane.



Motlatsi oa Molaoli oa Sesole – Maj Gen Thuso Motanyane o nehelana ka mpho ho e mong oa Bafofisi ba Zimbabwe


"Ke leboha bafofisi ba LDF ha ba ile ba re tataisa ho fofa ka lithabeng. Boikoetliso ba mofuta oona bo tla matlafatsa tšebeliso 'moho lipakeng tsa Sesole sa Zimbabwe le sa Lesotho ho ea ho ile," ho bolela Squadron Leader Kaseke.

A qetella ka hore: "Ha e ne e se ka Molaoli oa Sesole sa Lesotho ea re fileng monyetla oa ho nka karolo thupelong ena ea libeke tse peli, re ka be re sa

fumana litsebo tsena tseo re ikotlang lifuba ka tsona."

Ho ea ka molao oa LDF oa 1996, setho sa sesole se hlahang naheng efe kapa efe kantle ho naha ea Lesotho, se fuoa matla a lekanang le a setho sa LDF ho latela maemo a setho se joalo a mosebetsi. Ka hona li-ofisiri tsena li ile tsa hlompotjoa ho latela temana ena ea molao.

Bapatsa le MARA o boelloe



Tel: (09266) 22 320404 Fax: (09266) 22 310351

Lt Gen Yadava oa Sesole sa India ketelong Lesotho

Ha maqhama a setsoalle a ntse a eketsa ho tlea lipakeng tsa linaha tsa Lesotho le India, bolaoli ba Sesole sa India bo tšepisa ho ntšetsopele thupello ea mabotho a Sesole sa Lesotho. Tlaleho e feletseng ka Sgt Ntlele Ntoi.

Morumuoa oa Sesole sa India, Lieutenant General JBS Yadava o re sesole sa habo se ikemiselitse ho thusa Sesole sa Lesotho (LDF) ka likoetliso tse ling kaholimo ho tseo ba seng ba fane ka tsona e leng mohato oa bohlokoa bakeng sa phephetso eo LDF e tobaneng le eona boitlamong ba eona tikelohong ena esita le machabeng.

H'a bua le batlalehi ba litaba boemafofaneng ba machaba ba Moshoeshe I sehlohlolong sa ketelo ea hae Lesotho, hamorao selemong sena, Lt Gen Yadava o itse mabotho a linaha tse na tse peli a na le maqhama a setsoalle se tebileng joalo feela ka ha ho etsahala lipakeng tsa linaha tse na tse peli.

"Ke tšile Lesotho mona ho tla matlafatsa maqhama a setsoalle lipakeng tsa mabotho a na a mabeli, le hona ho tla fumana hore na re ka tsoelapele ho thusa LDF ka mekhoe efe," ho rialo Lt Gen Yadava.

Morumuoa enoa oa Sesole sa India, o boletse hore o khahliloe haholo ke boleng ba koetliso eo litho tsa mabotho a hlometseng a Lesotho li e fumantšoaang tlaas'a botataisi ba sesole sa habo.

O boetse o khahliloe hape ke tlhalefo, boleng bo khotsofatsang, boithukhubetso le boinehelo tšebetsong e matla hoa litho tsa LDF.

"Ruri ba na le bokhoni bo babatsehlang, 'me ka hona ha ho qea qea hore ha baka tšoara joalo, e tla ba ba bang ba



Tlamahano tšireletsong: Lt Gen Mosakeng o nehelana ka mpho ho oa mphato'a hae oa Sesole sa India, Lt Gen Yadava.

Mabotho a suhileng lebatoeng lena. Bakoetlisi ba heso ba ba thusa ke hona hore ba fihlele boleng boo hloahloeng ena e ka Boroa ho Afrika," a rialo.

Lt Gen Yadava o ile a etsa tšepiso e tiileng ea hore Sesole sa India se ikitlahelletsa ho anetsa thuso ea sona mafapheng 'ohle a tšireletso le lithoko tsa mabotho a hlometseng a naha ea Lesotho.

"Re batla ho rupella litho tsa LDF ho tsa poloko ea khotso machabeng esita le ho ba beha maemong ao ho tla ba bobebe ho bona ho sebetsa hantle le mabotho a linaha tse ling tsa lefatše. Re boetse re batla ho ba fa thupello le holim'a liphephetso tseo hangata mabotho a eeng a thulane le tsona maemong a joalo.

"Empa sa bohlokoa ka fetisisa," e sa le cena eo, "re

Lakatsa ho ba fa koetliso e tla etsa hore ho be bobebe ho bona ho kenya letsoho ntlafatsong ea naha ea habo bona," a tšepisa joalo.

Nakong ea ketelo ea hae, Lt Gen Yadava o ile a ba le lipuisano le balaoli ba mekhahlelo e fapakaneng ka har'a sesole. Ho feta moo o bile a etela litsi tsa koetliso ea masole le hona ho ea hloela bakuli sepetleleng sa sesole Makoanyane. "Ke itumetse haholo ha ke ile ka ba le monyetla oa ho teana le Mohlomphehi Tona-khoho eo ke bileng le lipuisano tse mofuthu holim'a ntlha ea hore na ho nkoa mehato efe mabapi le likoetliso tse tla latela," ho bolela Lt Gen Yadava.

Sehlopha sa bakoetlisi ba Sesole sa India se ile sa fihla

(Li tsoelapele leqephe la 32)

Liketsahalo ka Litšoantšo



President Festus Mogae oa naha ea Botswana o ile a ea boka likhomo ho Tona-Kholo nakong ea ketelo ea hae koano

Motlotlehi Letsie III, Tona-Kholo Pakalitha Mosisili, Letona la tsa Kahare Mong. Tom Thabane le Lt Gen Makhula Mosakeng ba bile teng ho tšoea letsatsi la Moshoeshoe I.



Baeti ba bohlokoa ba Molaoli oa Sesole ba ile ba memeloa Motebong oa Ha-Ratjomose ho ea thaba 'moho le ho thiba lephako mohla keteko ea Letsatsi la Sesole



Liketsahalo ka Litšoantšo

Mohokahanyi oa Mananeo Sea-le-Moeeng sa Lesotho Ntate Ratokelo Nkoka, o khabile ka ea hae kuoane. Ebe ka Mabothong ka moo re tla ke re tsoe ntjeng neng ka tsa bochaba? ▶




Monongoaha Motlotlehi Letsie III o keteketse letsatsi la hae la tsoalo seterekeng sa Mokhotlong (Lilemo li 41). ▼



Kabasotho o tlolla Hlooho ka Sepolea sa Sesole - Col Thabo Lefa ka khau ea tšebetso ea lilemo tse 30



Motlotlehi o tlolla Sgt Ntlele Ntsoi oa lefapha la Liphatlalatsa la LDF ka tšebetso e tsoileng matsoho



Ka PVT Hlaoli Moeletsi

Ha liteko tsa hae tsa ho leka letsoho papaling ea taekwondo li ea le metsi a le lilemo li robong, Corporal Moses Kopo o ile a khetha ho bapala papali ea litebele. Ka khetho ena, Cpl Kopo o ile a thakhola leeto le mo lebisang sehlohlolong sa bo-'mpoli lesakaneng la litebele ka har'a naha.

Cpl Kopo o qalile ho qothisana lehlokoa litebeleng lilemong tsa bo-1990 mane Botha-Bothe Boxing Club. O ile a tsoelapele e le maithutoane ho fihlela ka 1996 h'a phahamisetsa boemong ba ba baholo ke hona ka 1996 ha a titimela sesoleng sa Lesotho (LDF).

"Kamora mona tsohle ile tsa fetoha, lebaka e le hobane ka

KOPO

Khalala ea litebele ea LDF

Ka ho le letšehali: Cpl Kopo - O malala-a-laotsoe ho teteka ho hong le ho hong ho ka itetang sefuba ho mo phephetsa

sesoleng ka mona papali ea litebele e bapaloa e le karolo ea mosebetsi tlaas'a litaelo ho fapana le lihlopheng tse kantle moo e leng feela mofuta oa boithabiso le boithapollo.

"Ke ile ka lemoha hape hore lintho tse molemo papaling ena, 'me ke tla lula ke leboha nako eo ke e qetileng ke ikoetlisa le sehlopha sa LDF," ke Cpl Kopo eo, ralitebele ea s'oe lahleheloe ke papali leha e le 'ngoe a loanela hae mona sehlopheng sa LDF.

Leha ho le joalo, Kopo o ile a lahleheloa ke e 'ngoe ea papali tsa hae litlholisanong tsa sesole mose ho maoatle. Ntoa ena e ne e loanela ka 1999, 'me o ne a nkhisetsana mahafi le monna oa le-Russia. Lipapali tsena e ne e le tsa Mokhatlo o Moholo oa Lipapali tsa Machaba tsa Sesole (CISM-ESALO).

E re boitokisetsong bona mokoetlisi oa Kopo, Warrant Officer Liphoto Moeketsi o ile a mo eletsa ho theola boima ba' mele e le hore a tle a tseba ho qhoma ka hantle ka selikalikoeng

Sena se ne se tla mo thusa ho kharametsa baphephetsi ba hae ka matla.

H'a bua ka seo, WO Moeketsi o itse: "Ke ne ke sa lumele hore Kopo a ka ba tlaas'a khatello ea mophephetsi oa hae ho latela bohale ba hae ka lesakaneng la litebele."

WO Moeketsi o itse har'a boralitebele ba sehlopha sa LDF tlaasa bokoetlisi ba hae Kopo o ntse a ikhethile ka tsela eo a e-s'oe e bone. "Cpl Kopo o phetha feela seo a se laetsoeng, ke ka hona a lulang a le boemong bo holimo," ho rialo WO Moeketsi.

Cpl Kopo joalo ka khalala lipapaling o ikemiselitse ho boloka botumo ba hae ekasitana le ho ithukhubetsa ho ea pele ho sa tsotellehe hore na papali e tsoaretsoe ka har'a naha kapa kantle ho naha.

Boholo ba balateli ba hae ha ba qea-qea ho bontša hore ha a ka tsoara joalokaha a e-s'oe hloloe lipapaling tsa hae koano, o tla qetelletse a fihleletse ho ba thatohatsi ea litebele lebatooeng lena haeba ke ke ea feela ea e-ba maemong a machaba ka ho phethahala.



TLOTLO HO MASOLE A LINTOA TSA LEFATŠE

Motse-moholo Maseru o khaba ka liemahale tse `maloa sehopotsona sa masole a Basotho a ilenga e hlanaka ka katleho ea Lintoa tse peli tsa Lefatše, tsona e le tsa 1914-18 le ea 1939-45. Kereke e kholo e Khatholike ea Mofumahali oa Tlholo le Kereke ea LEC ea Sefika, ke e meng ea mekolokotoane e thehiloeng khopotsong ea masole a Basotho a ilenga tela maphelo a `ona ho thusetsa ha ho qhaloa bo-mpoli ba naha ea Geremane. OA Molefi o hopola sehopotso seo.

Letsatsi la la 11 Pulungoana selemo le selemo le tšoa ea sehopotso sa pheletso ea leqhoko le bompoli ba lilemo ba Kaisara ea Geremane ho baahisani ba eona (*World War*), `me masole a Basotho a ikileng karolo ntoeng ena tlaasa mabotho a likoloneng (*Native Labour Corps*) a se a ipinela h`a hopola matsatsi ao sehopotsona mane sefikeng sa Makoanyane, Maseru.

Ke Basotho ba ka bang 1 400 ba nkileng karolo ntoeng ena, `me bona ba ne ba laoloa ke Morena Lerotholi Mojela.

Likoakoariri tsa Ntoa ea Bobeli (*World War II*), le tsona ha lia koteloa sehopotsona sena ka kabelo ea tsona ea ho hlabisa ramatla oa naha ea Geremane e mocha Adolf Hitler ka sa nketse a bile a inehela ka mabotho a ha e ka 1945.

Masole ana a Basotho a ne a e hlanaka le a kopaneng a machaba limphing tsa mabotho ao tsa 1902, 1903, 1904, 1905, 1906, le 1909. Ba ne ba boetse ba tsoile le ngoan`a morena David Theko Makhaola.

Mphi tse ling tsa sesole li `nile tsa latela ho fihlela Hitler a khamelletsoe likobo molaleng le ho kunya a sa kunye. Boholo ba mathile mapatlelong a ntoa Italy, koug tsa Mediterranean, Syria, Palestina le Austria, ha morao ba hla ba thoena hona kahar`a Geremane hantle.

Har`a banna ba Basotho ba masole ba ka bang 21 463 ba ileng ba tela maphelo a bona tlaasa folakha ea Manyesemane, ba 1 105 ba ile ba oa ka mekokotla moleng oa ntoa. `Me ba se hlote ba khutlela hae Lesothong la bo-ntat`a bona, ba nehelane ka mali a bona ho ba ba Austria.

Mojalefa enoa oa borena ba Austria o ne a bolailoee ke baitseki ba Austria ka selemo sa 1914, `me Geremane joaloka moahisane ea bolela phatlalatsa hore ha ntoa e ka qhoma e tla tšehetsa Austria ntle ho qeaqeo.

Germany e boetse ea supa hore linaha tse ling tse ahisaneng li se itšunya-tšunye

‘Masole ana a Basotho a ne a e hlanaka le a kopaneng a machaba limphing tsa mabotho ao tsa 1902, 1903, 1904, 1905, 1906, le 1909.’

sehlabele se aletsang methoho ea khotso.

Sehopotso sena se thakholoa ka metsotso e `meli ea khutso, tlotlong ea bahale bana. Ho latele peo ea meqhaka sefikeng ke Motlotlehi, Tona-kholo, Moahloli e Moholo, Molaoli oa Sesole sa Lesotho, le e mong oa mekaubere ea ntoa lebitsong la masole a lintoa tsena tse peli.

Baemeli ba linaha tse nang le setsoalle le Lesotho le bona ba e ba fuoe monyetla oa ho beha meqhaka lebitsong la linaha tsa habo bona.

Ntoa ea pele ea lefatše e ene qalehe ka likhohlano lipakeng tsa linaha tsa Austria le Bosnia/Serbia kamora`o ho fenethoa hoa mojalefa boreneng

litabeng tsena ka tsela efe kapa efe. Ka kotloloho a hla ea hla ea supa Russia le France, `me eare ha e sa mameloe ea futuhela France.

Hamorao Germany ea hlasela Belgium, `me sena sa mema Manyesemane ho jella phate ka lehlakoreng la Belgium kaha e ne e sa nke lehlakore liqhoebeshanong tsena. Eaba ntoa e thakhohile.

Haele ea bobeli ntoa e ile ea phatlalatsa khahlanong le Germany ka 1939, e eteletsoe pel ke Manyesemane. Banna ka likanta tsohle tsa likoloni tsa Manyesemane lefatše ka bophara tlhaka tsa opa ba labalabela ho ea loanela Mofumahali oa Manyesemane. Basotho ha ba ka ba itheka moroalo, `me ba loanne haholo

(Li tsoelapele leqepheng la 44)



Cdo Col
Maaparankoe Mahao

Ke li bona Tjena!

Maikutlo tabeng ea ho theha Sesole sa Afrika

Sesole ke tholoana ea leano la tšireletso. Ka hona sesole ke letsoho la phethahatso ea leano la tšireletso. Hona ke ho bolela hoire sesole se etelloa pele ke leano. Lekala la Phethahatso la puso le lokeloa ho behoa leihlo tšebelisoeng ea matla a kang a tšireletso ke litšiea tse ling tsa puso tse kang paramente le makhotla.

Ha ho thehoa sesole boitlhopho lipolotiking, moruong le mekhoeng ea ho se tsamaisa ke lintlha tsa bohlokoa; tse lokelang ho hlahlojoa ha 'moho ka botebo. Boitlhopho bona kaofela bo tla nolofatsa ho etsa sesole se molemong oa sechaba ka kakaretso ka ha sesole se sebeletsa sechaba e seng karolo ea sona. Katamelo e 'ngoe ka thoko ho ena e ka bopa sesole se senh molemong oa sechaba 'me ke ka hona tlhahiso ea ho theha sesole sa Afrika e tšohloang mona.

Ka kakaretso, linaha tsa Afrika li boemong bo fapaneng ba moruo. Ke tse fokolang tse holang moruong 'me le tsona li ntse li na le mafutsana le mathata a mang. Boholo ba linaha tsa Afrika li futsanehile hoo li itšetlehileng ka lithuso tsa machaba. Boemo bona bo thatafatsa taba ea ho theha sesole sa nako tsohle sa Afrika; e leng ntho ea mantlha lithokong tsa Afrika. Khoao ke hore na moruo ona o tjena o tla jara sesole sa naha e kholo joaloka Afrika joang? E be ha se ho beha mohoma ka pela likhomo?

Sesole se tsoaloa ke maemo a lipolotiki. Boemo ba lipolotiki bo laola tšobotsi ea sesole le kabo ea litlhoko tsa sona.

E 'ngoe ea liketella-pele lipolotiking, pele ho thehoa sesole, ke boteng ba leano la tšireletso. Ka hona, ke lepotla-potla ho sheba taba ea ho theha sesole pele leano la tšebelsio ea sona le ba teng. Ho bohlokoa, ka hona, ho

sheba hore na Afrika e na le mekhoha kapa litloaelo tse tšoanang, lipolotiking, 'me tse hlokang tšireletso ea sesole. Puso ea sechaba ka sechaba e shejoa ka tsela tse fapaneng mona Afrika. Likarohano tse ipapisitseng le libaka, mehlobo le litumelo bo etsa hore ho thehoa ho sesole se le seng sa nako tsohle ho be kotsi ho feta hoba molemo.

Sesole se phela maemong ao ho nang le taolo le tšebeliso ea litšiea tsa lipolotiki. Lintlha tse hloahloa joaloka tšebeliso ea paramente, taolo le tsamaiso ea sesole, le tse ling, li tlamehile ho tsetsisoa pele. Ke 'nete hore merero ea ho theha '*Pan African Parliament*' le '*Lekhotla la Toka La Afrika*' e teng empa bokhoni ba makhotla a na bo tlameha ho tsetsisoa pele. Lihloho tsa linaha le mebuso li kopana hang ka selemo, ka tloaelo, 'me hona ho tlisa khoao ea hore na litlhoko tsa sesole sa nako eohle na li ka arabeloa ntle le mathata.

'Lekhotla la Afrika la Khotso le Polokeho' le na le litšiea tsa lona phethahatsong ea mosebetsi. Ho theha sesole sa nako tsohle ho ka hloka tlhahlobo bocha ea tšebetso ea lekhotla. Hona ho thatafatsa ho ba le lebotho la nako tsohle la Afrika.

Mabotho a na a tla hloka lintho tse 'maloa, 'me ka hare ho tsona ke mokha oa ho nahana le ho sebetsa, koetliso e tšoanang, thepa e tšoanang kapa e sebeletsanang le tatellano e hlakileng ea bolaoli le taolo ka kakaretso. Ho kenya tsena kaofela tšebetsong ho boloka nako kaha mafika a teng a hlokang ho pshatloa. A mang a mafika ke bosieo ba lichelete le litloaelo tse fapaneng. Maemo a na kaofela a fetola taba ea ho theha sesole sa Afrika toro feela e ka bolokeloang kamoso. Ke taba e ntle bakeng sa kamoso; e seng kajeno.

Pres Festus Mogae o phallela mekhatlo ea toantšo ea HIV/AIDS Lesotho ka US\$10,000

Sehlohlolong sa ketelo ea hae Lesotho, Hlooho ea Naha ea Botswana, Pres Fetsus Mogae o ile a kopana le baemeli ba mekhatlo ea toantšo ea HIV/AIDS ho thakelana ka malebela toantšong ea kholumo-lumo ena. Sgt Ntlele Ntoi o 'a tlaleha.

Phuthehong e khutšoane eo Hlooho ea Naha ea Botswana, Mohlophahi Festus Mogae a bileng le eona le mekhatlo ea toantšo ea seoa sa mokakallane-oa-setla-bocha, HIV/AIDS, ka pelo tlhomohi o bile a fana ka phallelo ea US\$10,000 ho baemeli ba mekhatlo eo, e le tšhetso mekutung ea eona ea ho loantša kholumo-lumo ena.

H'a tšetleha puo holong ea meketjana ea ntlo ea Borena bo Boholo, Maseru, Pres Mogae o itse o khahliloe haholo ke kamoo sechaba sa Basotho se ikakhetseng ka setotsoana ka teng matšolong a toantšo ea HIV/AIDS ho haisa naheng ea habo ea Botswana moo 'muso e leng oona o etelelseng pele matšolo a joalo.

"Naheng ea heso lefu lena le se le bolaile batho ba bangata. Bao ba akha bakhethoa ba sechaba, bahlanka ba makala a 'muso, baqolotsi ba litaba ekasitana le baeletsi ba tsa bophelo- lihlopha tse bohlokoa sechabeng ruri, haholo morolong o mocha,' a rialo Pres Mogae. Hlooho ena ea naha ea Botswana e ile ea hopotsa Basotho hore ha naha ea habo e ne e fumana boipuso sa mantlha mererong ea eona e ne e le ho felisa bofuma har'a baahi ba naha eo. Empa ka bomalimabe ba ile ba jeoa tsome ke ho qhoma hoa lefu lena la HIV/AIDS le ileng la nonyetsa leano leo la bona la



Ba ha Mogae ba bile ba ea boka likhomo tšung ea Borena bo Boholo, Motse moholo Maseru

boikhollo bofumeng.

Mohlomphehi Mogae o ile a tsoelapele ho bolela hore naha ea habo ke ea pele (*tikolohong ena*) ho isa sello sa eona sa phohomela Machabeng a Kopaneng, moo e neng e kôpa ho thusoa ho loantša seoa sena sa HIV/AIDS.

Kopanong ho ne ho le teng li-ofisiri tse kholo tsa 'muso, mofumahali oa Hlooho ea naha ea Botswana le mofumahali oa Hlooho ea 'muso oa Lesotho Mofumahali Mogae le Mosisili, baemeli ba mekhatlo ea HIV/AIDS le batho ba phelang le lefu lena, Letona la Bophelele boiketlo ba sechaba, Dr. Motloheloa Phooko bao

bohle ba bileng ntsoe-leng ho ntšetsapele ntoa khahlanong le HIV/AIDS tlaas'a mohoo o reng, 'Boitsekong ha ho se kaholimo ho matla a botho'.

Botswana e na litsi tsa bophelo tse tsa maemo a phahameng bakeng sa toantšo ea HIV/AIDS hammoho le setsi sa lipatlisiso

(Li tsoelapele leqephe la 32)

Naheng ea heso Aids e se e bolaile bakhethoa. bahlanka ba 'muso. baqolotsi ba litaba le bahlabolli ba nang le tšoaetso ea HIV/AIDS."

Lt Gen Yadava...

(Li tsoa leqepheng la 25)

Lesotho ka Phupu 2001 ho tla thusa ho fana ka lithupelo tse tla bebofaletsa LDF ho hloella maemong a leboho la boitsebelo ba machaba-chaba. Ka thuso le tataiso ea litsebi tse na tsa Ma-India, ho fihlela joale, har'a tse ling, ho se ho thehiloe Leboho le Ikhetang, Leboho la Botekhiniki ho tsa ntoa, Leboho le Liphala le lecha.

Sethathong sehlopha sena sa bakoetlisi ba sesole sa India se ne se lebeletsoe ho ba ka har'a naha nako ea lilemo tse peli feela, empa ka lebaka la likamano tse ntseng le matlafala lipakeng tsa Lesotho le India le tlhokahalo ea likoetlisi tse ling ho thusa ho fihlela toro ea LDF ea moralo o tla phetheloa ka selemo sa 2028, litsebi tse na tsa India li tla tsoelapele ho suha mabotho a Lesotho.

Pres Mogae...

(Li tsoa leqepheng la 30)

ka lefu lena se motse-moholo Gaborone. Ho boetse ho na le setsi sa bophelo bakeng sa bana ba phelang le bohloko bona le litsi tse malo a tsa tlhabollo pele le kamora'o hore batho ba ithaopele ho etsa liteko tsa tsoetso ea sea sena.

Leetong la hae Pres Mogae, o ile a tekela matlo a mabeli a ketsa-molao puo, a ea boka likhomo malapeng a bokhosi Maseru le Matsieng. O boetse a re, khalo! ka libakeng tsa Morero oa Metsi a Lihlaba Letamong la Katse le setsing sa phehlo ea motlakase 'Muela.

Pres Mogae o ne a etetse Lesotho ka memo ea 'Muso oa Motlotlehi kamora'o hore Batlotlehi ba etele Botswana ngoahola.

Ka ntle ho lipuisano tseo abileng le tsona le ba Lekala la Tšireletso, nakong ea ketelo ea hae ea matsatsi a mabeli Lesotho, Lt Gen o ile a etela libaka tsa Morero o Moholo oa Metsi a Lihlaba tsa Lesotho, Katse le Mohale.

Ofisi ea Liphatlalatso ea sesole sa Lesotho (LD7-PAO) - lebitsong la Molaoli oa Sesole - e leboha Basotho bohle ba bileng teng Ketekelong ea Letsatsi la Sesole (Army Day) ea selemo sena.

Le ka Mose!

Ooe!

Basali ba bangata ba shoa selemo le selemo nakong ea pelehi. Haeba u meleng etela setsing sa bophelo se haufi khafetsa bakeng sa tlhahlobo ea bongaka. Ila tai le ho tsuba molemong oa bophelo ba leseana leo u le lebeletseng.

Ho tsuba ho kotsi bakeng sa bophelo ba hau, me joala le bona bo ka ba kotsi ka ho fetisisa.



Mongoli e Moholo oa 'Muso Monghali Tlohang Sekhamane Letšolong la temo ea lifate Motebong oa Sesole Makoanyane

Matšolo a temo ea lifate

Sesole sa Lesotho se li hula nthau

Lifate le limela ka kakaretso li bapala karolo e kholo nakong ea ntoa, empa ka holimo ho tsohle li molemo thibelong e atlehileng ea khoholeho ea mobu. Tlaleho ka PVT Mosuoe Mofomobe.

Mohlomphehi Tona-kholo Pakalitha Mosisili ka boemo ba hae e le Letona la Tšireletso o ile a etellapele letšolo la temoea lifate mane motebong oa sesole sa Lesotho, Makoanyane haufinyane.

H'a fana ka puo ea sehlooho tsatsing leo kamora'o ho lema lifate li se kae ho tse 1 000 tse ileng tsa lengoa letsatsing leo, Tona-kholo o ile a bontša ho khotsofala hoa hae ho ba karolo ea letšolo leo. O ile a leboha ke hona Letona la Lekala la Meru, Mohlomphehi Ralechate 'Mokose ka ho beha matonale

'Ha re sa kene khabong ho fenya seoa sena, re tla hloka bokhoni ba ho loantša khoholeho ea mobu.'

makala a 'ona kapele-pele letšolong la 'muso la ho apesa naha ka meru le ho thibela khoholeho ea mobu.

Letona 'Mokose o re bontšitse bohle hore re tiile ka seo re se etsang. 'Muso o ikemiselitse kahohle ho lema lifate, ke ka hona ho ileng hoa thehoa Lekala la Meru," Tona-kholo a



Mohoma temeng: Letona Tom Thabane (ea noesetsang sefate) le Motlatsi oa Molaoli oa Mautloela a Sesole, Captain Gerard Mafoea (ea katiba e ntšo) ba ne ba sa etsa matsoho masoto a thari.

bontša joalo.

Tona-kholo o ile a bontša hore sera se seholo seo naha ea Lesotho e tobaneng le sona lilemong tsa morao-rao e le tšenyoo ea meru le khoholeho ea mobu.

"Re tsoanetse ho khutlisa botle ba naha ea rona le ho ba malala-a-laotsoe ho iketsetsa tsohle ka bo-rona. Ha ho hloka hore re eo batla liphallelo tabeng ena. Lekala le tla fana ka lifate; ha re sebeliseng matsoho ao Molimo a re fileng 'ona ho fetola mangope matamo ele ho khutlisa mobu oo re o lahlileng," a rialo Tona-kholo Mosisili.


Tona-kholo o tsoetsepele ho bontša hore joalokaha ho etsahala toantšong ea kholumo-lumo ea HIV/AIDS, karolo e itseng ea chelete e abetsoeng Lekala ka leng e tsoanetse ho thusa Lekala la Meru matsolong

'ohle a lona. A etsa khothaletso ho Mongoli e Moholo oa 'Muso, Monghali Tlohang Sekhamane hore makala a 'muso a ikakhele ka setotsoana temong ea lifate bonyane ha 'ngoe ka beke.

Tona-kholo Mosisili o tsoetsepele ho bontša hore HIV/AIDS e ranthanya naha ea Lesotho. A ipiletsa ke hona ho Lekala la Tšireletso ho rala leano la toantšo ea seoa sena. "Ha re sa loantše kholumo-lumo ena ka matla, re tla lahlehelo ke batho ba tla loantša tšenyoo ea meru le khoholeho ea mobu," e boetse ke eena eo.

Tona-kholo Mosisili o ile a nka monyetla oo ho thoholetsa banna le basali ba lekala la hae la tšireletso ka mosebetsi o ba batsehlang oo ba o etsang paballong ea tikoloho.

(Litsaelapele leqepheng la 38)



Sajene Limo

Kamora' o hore a hlanake e mahlo-mafubelu khahlanong le masholu a liphoofolo ka lihlabeng, mohale ea neng a lebeletse ho amoheloa ka thabo o ithuhela thohako ka lebaka la bokhonatha. Ikutloele ha li phetoa ke Sgt Ntlele Utoe

Ha motho a ne a lebeletse liketsahalo liahelong tsa sesole sa Lesotho tse Qacha's Nek, a le Sebakana letsatsing leo ruri o ne a ka hlapanya hore sesole se ithlophisetsa tlhaselo e kholo.

Ha e le hantle, leo e ne e le letsatsi leo sesole se neng se romela mabotho a macha ho ea phomotsa ao e saleng a e hlanaka ka katleho khahlanong le masholu a liphoofolo ka lihlabeng kamoo.

Har'a masole ao 'ohle, Limo, 53, sajene e khutšoane, e lefatla, ka mpa ea tonana! o ne a thabile ho feta bohle ha e le moo ba boela hae. Sajene Limo o ne a sa phetse ho bobotheha h'a nahana kamoo e tla ba thabo le monyaka ka teng h'a fihla hae ho mofumahali oa hae Palesa le bana ba bona ba supileng.

Pejana khoeling eo, mokola o ne o ile oa ba romela molaetsa oa hore o tla ba tlela le mofao oa limomonane tsa

mefuta-futa. Hei, tseo ea e-ba litaba tse monate ho bohle ba lelapa.

Ka likhoeli tse peli kaofela, Sajene Limo ka mano, o 'nile a bokella limomonane tseo ho fihlela a bile a tlatsitse mokotla oa mo tonana. Hei, ntate, hoa be ho le likotikoti tsa *bifi*, tlhapi, linaoa, makotomane a tsoakiloeng le mangangajane a morara, ho bile ho akha le lintho ba re ke bo-24.

Litšebo li ne li ntse li ipetsa hore matšolong ao ba neng b'a etsa khahlanong le masholu a liphoofolo, ba lebotho la Limo ba ne ba hlola ba ipelaelitse ka bokhonatha ba hae. Ba bolaoa ke tla feela ba sebetsa ka thata. Ao, e ne e-ba ba ipoleletse lefeela. Ho mang? Limo! Mokola ha ho ne ho khotše oona feela e ne e-ba ho lekane.

Ha ba tletleba, Limo o ne a sa tsilatsile ho ba bolella hore ha se taba ea hae ha ba fepile matekatse ka lijo tseo a hlolang a file tsona, ba sa ka ba hopola hore ka le leng la matsatsi ba tla li hloka e le ka 'nete.

"Khele, le batla ho mphareha molato oa ho hloka boikarabello hoa lona, *li-rafneke ting!*" e-ba mokola o tla ba kharumaka moo, o bile o phaella ka hore, "Ke hore le mpontša hantle hore kaofela hoa lona le futsitse bo-ntat'a lona hantle bane ba neng

*Limo!
Mokola ha ho
ne ho khotše
oona feela e ne
e-ba ho lekane.*

Sgt Limo...

(Litsoa leqepheng la 34)

ba becha matekatse ka mekholo ea bona kaofela merafong koana. Phoo! le sele."

Ka letsatsi le lelekellang leo ba tla tsoha ba menahana le mehlala ho ea Maseru ka lona, Limo o ne a ile a tlama mokotla oa hae oa limomonane ka terata, 'me ka mokho'a hae hee, a se ke a soabela ho fa masole a tlaas'a bolaoli ba hae seo ba ileng ba se hlalosa e ne e le sa ho thiba moea feela leetong leo la bolelele ba 335km ho ea Maseru.

Ha shoalane e se e oele, mokola ke ola! o nyenyelepela ka ntle ho lihahelo motseng, koana! Phirimaneng eo, mokola o ne o sa ee feela ho ea tsoara tse peli pele o ka isa masapo ho beng, joalokaha e ne e le mokho'a hae, empa o ne o ile ho ea boka likhomo ho mochaufa oa oona, 'Mantoa ka mokho'a teng, lea tseba, hee.

Masole a mang a ile a jela monyetla oa bosieo ba hae, 'me le 'ona a re, khalo! ka motseng ka sepheo le morero o tsoanang. Liahelong moo ho ile hoa sala a seng makae a neng a ntse a le mosebetsing le a sa keneng litabeng tseo. Che, lea tseba le lona hore batho ha ba ke ba tsoane kaofela ka litloaelo.

Har'a ba neng ba setse liahelong moo ho ne ho le teng le leng la mautloela a hloahloa a sesole, Lance Corporal Thiba-khoali, ea reneketsang ka la 'The Big T'.

Lcpl Thiba-khoali ke e mong eo Limo a neng a se a ba kene menong sa nama ea moketa ka boitsoaro boo ba hae bo neng bo baka hore masole a lule tletse litletlebo ka bobolu ba hae tsamaisong. Lefokisi lena le ne le

ba ne ba bonahala ba se na thahasello ea ho sekaseka taba eo.

Phirimaneng eo, Lcpl Thiba-khoali a na a ikana hore ha e le khetlong leo o tla ruta Limo motloang oa pula. Lefokisi leo le ile la loha mano a ho mo sebetsa ka mokhoa ke oona: Le ile la biletsa batšepuoa ba lona, Private DJ le X phaposing ea lona.

Pte DJ, lesole le thunyang ka ho nepa ho hoholo, le ile la fuoa taelo ea ho ineakanya ho ea phaposing ea Limo moo le tla fihla le choabola mokotla oane oa limomonane, le o ise ha Thiba-khoali.

Ho latela moralo oa pele, e ne e le hore ha DJ a e-ea moo e be lefokisi leo le hloahloa le tima motlakase liahelong moo kaofela sa mokana ho bile le phoso lithapong, joale e be DJ o tlôla matjato a masesane eona tsau-tsau hantle, ho kiba-kiba ka khetsi eo ea Limo lefifing leo la bo-nka-ntjana.

Ha tseo li etsahala, moralo o ne o supa hore Pte X, tloeli e masene ea lebotho leo, o ne a lokela ho ea ba moo a ka bonang Limo a sa tla le thokoana. Mokola Limo o ne o ee o nyenyelepe ha o tsoa liahelong, empa e re ha o khutla o se o bo khile ka likhomo; o tle o se o tlatsetse marata, o bile o le tala ka hanong ha e tla ba ke teng.

Pte X o ne a tsoere lefika le sa oeng leo ke ho se tsebe hore letsatsing leo, Limo o entse mokete oa semetletsahali koana motseng ha 'Mantoa, moo li neng li luma bosiu ho sa.

Tsohle li ile tsa tsamaea hantle ho latela moralo oa pele, 'me ka hona ha hoa ka hoa e-ba le maemo a qobellang hore ho sebetsoe ho ipapisitsoe le moralo oa bobeli. Thiba-khoali le banna ba habo ba ile ba phetha tšebetso ea

motlakase ho sa kang hoa fana ka khoao le e nyenyane feela ho bohle ba liahelong moo.

DJ ka matjato o ile a fihla a hlohorela sohle se neng se le ka khetsing ea Limo ka lebokoseng leo Thiba-khoali a neng a se a le hlophisitse. Kapele-pele ba tšela patsi le mashala ka khetsing ea mokola. Ba nt'o e tlama ka terata hape ba e busetsa phaposing ea Limo hape, lefifi le boetse le aparetse lihahelo hape.

Ha Limo a boela liahelong ka lialla a noele ba Khaeeane, mokola ha o'a ka oa belaela letho le ka bang phoso ka khetsi eo ea oona.

Boesa ke ha X le DJ

Bapatsa Le Rona!



ba se ba ikatamelitse pel'a phaposi ea Limo ka sepheo le morero oa hore a tle a ba laele hore ba mo isetse thepa ea hae koloing. Ao, mokola oa oela lerabeng habonolo. "Hee, bashemane, nkang mokotla oona oa ka le o laele koloing moo!" ke Limo eo, a bile a ba sala morao ho ikholisa hore 'khetsi ea limomonane' e kene *loring*.

Nakoana kamora'o ho tseo, ke ha Thiba-khoali a bona Limo a ntse a re, naka-naka! ka sekupu sa *li-litara* tse leshome moo liahelong. Lefokisi la hla la belaela ho hong ke hona.

"Hee, methaka, lahlelang mahlo a lona, mane. Lea bona? Motho oa rōna ke eane. Kea tiea; kea hlapanya, ka Bakoena ba ntsoetseng mokola o habile

(Li tsoelapele leqepheng la 43)

Ecol e tlotla baithuti har'a serame le pula "Empa monate o tsoelapele"

Ha selemo sa sekolo sa baithuti se fela lihlahlobo li ngotsoe, malapa a mangata a tjameloa masi-sapelo le ho hloka tšepo li aparela bao bana ba bona ba atlehileng lihlahlobong ba ea mekhahlelong e ka pejana. Empa le tlaas'a leru lena Lekhotla la Lihlahlobo la Lesotho (Ecol) le ile la tšoara moketjana oa ho tlotla baithuti ba ipabotseng selemong se fetileng sa lithuto, 'me bana, batsoali, mesuoe le bohle ba boithatelo bo botle ba ile ba kena har'a pula le serame ho ea inoesa ka nkho. **OA Khatebe Molefi** ne a le teng.

Ka chalimo ea mahlo, matsatsi a sekolo a ka tolokoa ele feela ho itlaleha lihlopheng letsatsi le letsatsi ho itokisetsa bophelo ba kamoso. Ba bang ba sheba nako ena ele tlasimollo ea bohle ba moithuti ba tsoalo, le teng ele feela ho mo hlophela lithoko tsa thuteho le tsoelapele sechabeng.

ekaba moo baithuti ba sa atlehang ba eng ba fumanoe ba se ba itšehla thajaba ba tsamaela libakeng tseo ba tsejoeng haholo ho tsona, ba tseke ho etele bo-malome kapa bonkhono'a bona ba lulang hole.

Ba khethe bophelo ba botoai-toai ba sihile beng ka bona 'pelo li ruruhile ke

oa baithuti, le ha ho le joalo, baithuti bao ka ho sebetse ka thata, ba fufuleloa le hona ho itlhokisa boroko ba eng ba thule thaba ka peta ho ea sehlohlolong sa katleho. Ba behelle mabaka a mangata ana a 'mampheli-pheli ka thoko 'me qetellong ba iphumane ele tsona likakapa likolong tsa bona.

Karolong ena e itelelseng thuto le katleho, Ecol e ile ea nehelana ka Likhau tsa Boipabolo ho baithuti ba leshome ba sebelitseng hantle ho feta bohle selemong sa lithuto sa 2003 mekhahlelong e meraro ea Lihlahlobo tsa Likolo tsa Mathomo (PSLE), Junior Certificate (JC) le Cambridge Overseas School Certificate (COSC) moketjaneng o neng o tšoaretsoe setsing sa eona Ecol mane Khubetsoana, Maseru.

Joang Khethisa, mohlankana oa ka Leribe sekolong sa mathomo sa Guardian Angel, o tsamaile bolacha baithuting ba PSLE, Nadhim Varghere oa sekolo se phahameng sa 'Maseribane eena a halala bohle mokhahlelong oa JC ha Qekisi Fiee a ile a li otlela holimo ho bohle sehlopheng sa COSC.

Baithuti bohle mekhahlelong ena e meraro ba ile ba abeloa li-certificate tsa ho ipabola, likhau tse neng li tšehelitsoe ke mokhatlo oa Maseru Star Taxi Association (MSTA) 'me e mong le e mong a hashaletsoa M100.00 ha Fiee a ile a pokotha M500.00, e ntse ele tšehetso ea MSTA.

Batšehetsi ha likhau le

(Li tsoelapele leqephe la 37)



Sepheo le boitšoare ke motheho oa tšebetso e babatsehlang lithutong tsa sekolo joalokaha baithuti bana ba bontšitse

Nako ena, ho baithuti ba bang ke monyetla feela oa ho fumana limaraka tse holimo ho khahlisa batsoali hore ba tlamolle mokotla oa chelete ha ho uoa sekolong. Ha ka lehlakoreng le leng e kaba ho sebeletsa setumo le ho thabisa likharebe kapa bona bahlanka ba baithuti ba joalo.

Empa he! ha selemo se fela, hlahlobo li ngotsoe 'me sephetho se tsoile, liketsahalo tse ngata tse sisimosang pelo lia etsahala 'me litoro le maphelo a mangata a senyehe ka hara naha. Ea mofuta ona taba

bohloko le ho imeloa, 'me e re mohla motho a hlahang a be a babaila joaloka ngoana ea lehlasoa kamora qhafutso ea ho senya maphelo le bokamoso.

Ba bang ba e ba balehele litameneng moo ba itloping khera sa mokana eka ke 'tsatsi la bofelo joala boa nyamela. Ba lule likonkotieng mona, ba fetohle tsona linotlolo tseo ha ho buloa hoseng o tla fumana li tsetlaletse monyako hoseng li nkile libotlolo ho tla kha, ba tsitsingoe ka khitla ha ho se ho thoe "tsamaeang rea robala."

Hona le mofuta o mong



Letona la Thuto Mong. Lesao Lehohla o bile a khakola moaho oa bolulo oa EcoL hona Khubetsoana

baphehisi moketjaneng ona e bile MSTA (*mohope o potolohang ho ea ho sekolo se ipabotseng, likhau ho baithuti bohle ba sebelitseng hantle 'moho le M500.00 ea ka holimo-limo khahlelong oa COSC le M100.00 moithuti ka mong mekhahlelong eohle*), Nedbank-Lesotho (*lipene*), Global Conferences and Seminars (*li-watch*), Business Executives (*calculators*) le Macmillan Lesotho (*Libuka*).

Batšehetsi ba bang ba boithatelo bo botle e bile Maseru Sun Cabanas, Maluti Mountain Brewery, Unique Computers, Kou Transport, Blue Ribbon Bakery le Astoria Bakery, hammoho le k'hamphani ea T&T Security.

Sekolo se phahameng sa St. Stephen's Mohale's Hoek, se ikhabetse mohope o potolohang ele sona se sebelitseng hantle ho feta tsohle naha ka bophara, 'me se phonyohile ka 'sobana la nale ha se qothisisana lehlokoa habohloko le Sacred Heart le Lesotho High School.

E bile menyakoe, melilietsane, litlatse le mehoo ea

thabo ha likhalala tsena li hloella sethaleng ka bonngoe ho ea apesoa tlotla ka tšebetso ea tsona, bo-ntate ba ne ba tlala ho paka thabo ha bo-'m'e boholo ba ne ba pepeaka ka lishoeshoe tsa bona eka serame ha ba se utloe le ho se utloa.

Ho bile hoa ajoa likhau to Mekaubere ea Assessment and Education (*ho ba phelang le ba seng ba hlokahetse*) hammoho le Meritorious Service.

Matete Khapetsi, moithuti osa sekolo se phahameng sa St. Patrick Mohale's Hoek, o hlalositse hore o ile bokella matla le kelello ea hae eohle lithutong tseo a li ratang haholo tsa mathematics le science. Sena o hlalosa se bakiloe ke chebelopele ea hae ea ho ithutela tsa mahlale, lefapha leo a reng le tla mo lumella ho matlafatsa boiphihlelo ba hae boiqapelo bo hloahloa ho tsa mahlale a moroao-rao.

Khapetsi, ea hlahang bosupeng (7) ho ba leshome ba ka holimo sehlopheng sa COSC, o supa hore le ha a ne a itšepile hakaalo lihlahlobong, tlotla ena eo a e fumaneng ea hlolla.

"Mosebetsi oaka o matla

o ntsoalletse litholoana tse monate qetellong, 'me ke thabetse katleho ena haholo. Ke sa le bale le ba bang bohle bao ke arolelanang tlotla ena le bona.

Ona e boetse hape ke monyetla oa ho khothaletsa baithuti ba bang ba mekhahlelong e ka tlaase to tsepamisa likelello tsa bona lithutong tsa bona, ele hore ka le leng batle ba iphumane batlotloa ka tsela e tjena," a rilao Khapetsi.

Mohlankana e mong ea kenang sekolo le eena Khapetsi, Ramolamu Mokhitli, eo le eena a neng a tlotloa letsatsing lena o ne a sitoa ho iphanya ha a tsoka lengolo la ha boipabolo sebakeng ke thabo. Mokhitli eena o hlahile maemong a borobong ho ba leshome ba hloahloa ba COSC.

P u o n g e a h a e moketjaneng ona, Letona la Thuto Monghali Lesao Lehohla o thoholelitse bohle ba sebelitseng hantle 'moho le mafapha a fapakaneng a atlehisitseng tšebetso ena, a toboketse haholo tšebetso e ke keng ea lekangoa ea MSTA eo selemong sena sa bobeli sa botšehetsi ba eona e

(*Li tsoelapele leqepeng la 38*)

Ecol e thola baithuti ::

(Li tsoa leqephepeng la 37)

nanabelitseng tšehetso ho ea fihla le mekhahlelong ea JC le COSC.

Letona la boela la babatsa mesuoe ea likolo tse ipabotseng kaha ele bona methoho ea mosebetsi o motle o bontšitsoeng ke baithuti a boetse etsa khoehetso hore ho tloheloe tsohle tse ka sitisang bana ho tsepanamisa maikutlo a bona mosebetsing o mong feela oa bona e leng thuto.

Monghali Lehohla a kopa hore tšebeliso 'moho le puisano e teng lipakeng tsa baithuti le mesuoe ea bona e matlafatsoe, kaha ho lahleha tselng ena ea thuto ho le bobebe 'me moithuti a lahleheloe ke menyetla e kang ona oo ba bang ba imonang menoana ka oona letsatsing lena.

A supa hore baithuti ba lokela ho etsa khetho e nepahetseng kamehla, ba kenye 'momo fatše tseleng ena ea thuto eo ba seng ba ntse ba e tsamaea ba tlohele masaoana.

Hara menyakoe ena le mantsoe a khotatso a Letona Lehohla, molumo o ne o ntse o utloahala hara mokhopi hore selemong sena, ho fapana le tse fetileng, ho shebahala eka bashanyana ba sebelitse hantle ho feta likhaiseli tsa bona. Empa Dr 'Matora Ntimo-Makara, Molula-setulo oa EcoL, o ile a potlakela ho bontša hore ho tla etsoa boithuto ho fumana hantle hore na se hlileng se etsahalang ke se feng ele ho qoba lipuo tsena tse bonahalang li sekame.

Moketjana ona e ne ele oa bosupa oo ho ona ho tlotloang Top 10 tlasa sekhurumetso sa ECoL, 'me hona tšebeletsong ena Monghali Lehohla o ile a khakola moaho o mocha oa EcoL.

Bokhabane bo tjena mafapheng ana a mararo ke sesupo sa hore Letona la Lichelete Monghali Tim Thahane o ne a

nepile ha etsa likhothaletso tsa likhakanyo tsa lichelete tsa sechaba tsa selemo sena ha a kopela Lekala la Thuto chelete e M1 223 million mokotleng o moholo oa 'muso.

Letona le ne le bontšitse hore chelete ena e tla sebelisetsoa litšenyehelo tsa thuto likolong tsa mathomo, tse mahareng le tse phahameng hammoho le lihlapiso bakeng sa selemo sa lithuto sa 2004/2005.

Letona la re chelete eo e tla boela e ekeletsa thuto ea mathomo e sa lefelloeng, litšenyehelo tsa libuka tse tla alingoa bana, katoloso ea liphaposi tsa boithutelo le ho netefatsa katleho ea thuto mafapheng ohle a eona.

...temo ea lifate

(Li tsoa leqephepeng la 33)

"Ke ile ka bolelloa ke molaoli oa lona hore mefuta e mengata ea linonyana, liphoofole le lihahabi e ea fumaneha ka hare ho likampo tsa lona, 'me tsohle li iphelela hamonate ntle ho ho tsoenngoa ke letho. Ha motho a sheba joang bo ka hare ho kampo ena, a boetse a sheba bo ka ntle ho eona; o bona phapang e kholo. Hona ho bontša paballo e kholo ea tikoloho."

Tona-kholo o ilea thetha puo ea hae ka ho laea Letona 'Mokose la basebetsi ba lekala la hae ho tsoa kahare ho li-ofisi tsa bona ba il'o sebetsana le temo ea lifate le thibelo ea khoholeho ea mobu.

H'a bua tšebeletsong eo, Letona 'Mokose o ile a thoholetsa tšebeliso 'moho e teng lipakeng tsa lekala la hae le la tšireletso, 'moho le makala a mang letšolong la ho etsa hore Maseru e bohehe.

"Ke khotsofetse haholo ke tšebetso e etsoang ke sehlopha sa banna ba 25 ba LDF tšebetsong ea ho baballa tikoloho, 'me ke ipiletsa ho makala a mang ho nka mohlala ho LDF," a rialo Letona 'Mokose.

Motlatsi oa Molaoli oa Sesole sa Lesotho, Major General Thuso Motanyane o bontšitse khotsofalo ea hae hore e be motebo oa sesole oa Makoanyane ha o oa lebaleha joalokaha ba bangata ba nahana, kaha kemoo o ntse o hlahella meralong ea 'muso le sesole haholo ea ntlafatso le thibelo ea khoholeho ea mobu.

Maj Gen Motanyane o ile a bontša hore LDF e na le leboho la banna ba 25 le sebetsanang le paballo ea mobu letsatsi ka leng, 'me ho fihlela ka nako eo le ne le se le lemme lifate tse 3 000 likampong tse 'ne tsa LDF naha ka bophara.

"Tse makholo a mabeli tsa lifate tsena ke tsa litholoana, 'me ke tebello ra rona hore re tla fihlela boitjaro tlhahisong ea litholoana," a rialo Maj Gen.ne.

Bahlomphehi ba bileng teng e bile Letona la Litaba tsa Lehae, Mohl. Tom Thabane, Mongoli e Moholo oa 'Muso, Monghali Tlohang Sekhamane, Mongoli oa Lekala la Tšireletso, Mofumahali Lebesa le ba bang.

**Lema sefate
molemong oa bophelo
bo botle bokamosong
ba hau le bana ba
Hau**

*Bohlophisi ba MARA bo lakaletsa Lelapa la
Botlotlehi Bophelo bo Botle le Mahlohonolo*

Keteleo ea letsatsi la
tsoalo ea Lüemo tse



41



Ha e Sise, Basotho!

KHOTSO! PULA! NALA!



Ba hlahelletseng ka mahetla

Kakapa bofofising ba lifofane tsa Sesole Col Thabo Victor Mohapi

Lilemo tse 26 esale hore Col Thabo Victor Mohapi e be mofofisi Sesoleng sa Lesotho o ntse a tsoelapele ho ikhabela setumo se setle ka boqhetseke le litsebo tse ikhethang tšebetsong ena; Ho feta moo, kakapa ena e boetse e sisinya lipelo le maikutlo a banna le basali ka lithero tse matla tlung ea Molimo ea thapelo. Ha lilemo li ntse li loeana makhabane a hae le `ona a ntse a eketseha joalo feela. Haufinyane o sa tsoa re, homo-homo le *Sgt Ntlele Ntai* ka tsa tšebetso ea hae.

Mohlang ke inoesang ka nkho ruri hore Motlatsi oa Molaoli oa Lefapha la Lifofane tsa Sesole sa Lesotho, Colonel Victor Thabo Mohapi ke kakapa e le ka `nete, ke ha ka lehlohonolo ke iphumana ke palame seroala-nkhoana seo a neng a se qhoba ho felehetsa Tona-khoho ebile e le Letona la Tšireletso, Mohlomphehi Pakalitha Mosisili ho ea hae Qacha's Nek. Leo e ne e le la mathomo ho `na ho fofela libakeng tse phahameng hakaalo moo boemo ba leholimo bo fetofetohang khafetsa.

E sa le sethathong sa leeto la rona, Col Mohapi o ile a etsa bonnete ba hore e mong le e mong, ho sa natsoe maemo a fapaneng a rona, hore a ikutloe a phuthulohile. Boleleng ba leeto leo, nako le nako o ne a re bolella, ka bokheleke bohle, hore na re se re le sebakeng se fe, le hore na tsela eo a e nkileng ho qoba maqhubu a

moea o matla ke e fe. Ke ne ke qala ho ikutloa ke bolokehile hakaalo le hona ho hlompheha ka sefofaneng.

Eo, hee, ke eona tsela eo Col Mohapi a tummeng ka eona tšebelisanong `moho le batho.

Ha e-ba u le lekhonono ka sena, u ka botsa basebetsi `moho le eena, bao a ba rupetseng, balisana bao a ba pholositseng linakong tsa likoluo a tsa mahloa ka lihlabeng. Bohle ba lumellana hore Col Mohapi ke kakapa bofofising ba liroalankhoana.

Col Mohapi: "Ho `na bofofisi ha e eaba pitso joalokaha ke ena le kutloisiso ea hore tšebetso ea sesole ke pitso. Ke ne ke sa hopole le ka mohla hore nka ba mofofisi."

Col Mohapi o hlahetse Randfontein, Afrika-Boroa ka la 20 Pulungoana, 1958. Ke ngoana oa bohloko ho ba tšeletseng lelapeng la `M'e `Mantšebo le

haufi le Braakfontein, Mohale's Hoek.

Kakapa ena eo re e tlotlang kajeno e ile ea hola ha boima kamorao hore ntate motsoli oa hae a hloka halle kotsing ea koloi (*Victor*) a sa thuthuha.

Ke lilemong tseo tsa h'a sa le sekoloaneng sa mathomo kakapa ena e hlileng ea ipakahatsa hore ke monna kaofela. Empa leha a ile a feta sehlopha sa bosupa ka matšoa a holimo, ba bangata ba ile ba makatsoa ke h'a sa fuoe lihlapiso tsa ho ntšetsapele lithuto tsa hae joalokaha ho ne ho ntse ho etsahala ka barutoana ba bang ba nang le tsietsi ea bohloki.mekutu eo motsoli oa ka le mosuoe-hlooho oa sekolo sa heso ba neng ba ile ba e etsa," ke Col Mohapi h'a hopola tsa mehla eo ka mesarelo e meholo.

H'a tiea-tiea o ile a iphumana a qobellecha ho

(*Li tsoelapele leqepheng la 42*)

H'a phunya maqhubu a moea masoba; e-ba le nong-kholo li tla mo shoela mona!



Kakapa bofosing

(Li tsoa leqepheng la 41)

mekutu eo motsoali oa ka le mosuo-e-hlooho oa sekolo sa heso ba neng ba ile ba e etsa," ke Col Mohapi h'a hopola tsa mehla eo ka mesarelo e meholo.

H'a tiea-tiea o ile a iphumana a qobelleha ho fumana mosebetsi hore lelapa la habo le le tle le phele, 'me ka hona a ea merafong Afrika-Boroa (JC).

H'a le moo, lenyora la thuto ha le a ka la phetsa thuto ha le a ka la phetsa ho mo tlokela. Col Mohapi o ile a 'na a tsoelapele ka lithuto a ntse a le mosebetsing ho fihlela a fumants'oa lengolo la Foromo ea Boraro.

Empa ho se ho kae ho ile hoa totobala hore merafong moo ha se moo pelo ea hae e leng hona teng. O ile a lihela, 'me a boela hae moo a ileng a kena Sesoleng sa Lesotho ka la 20 'Mesa, 1976.

"Ka 1979 ke ile ka susutlelloa ke eo e neng e le molaoli oa lebotho leo ke neng ke le ho lona ka nako eo, Col Thaabe Letsie ho ea kenela litlhatlhobo tsa ba ka kenelang lithupelo ho tsa bofofisi. Leha ke ne ke se na thahasello joalo sethathong ka tlhohonolofatso ea Molimo ke ile ka atleha, 'me ka ba e mong oa bafofisi ba robeli ba pele ka har'a Sesole sa Lesotho," ke eena eo ka boitumelo bo boholo.

E bile feela ka mora'o ho lithupelo tse matla kakapa ena e ileng ea inehela ka tieo tšebetsong ena eo a e phethang ka bokhabane bo boholo. Hajoale o ikana ho tsoelapele a se a sa hetle mora'o ho sebeletsa katleho le tsoelopele ea Sesole sa Lesotho hammoho le Lesotho ka kakaretso ka sefutho sohle seo a ka se fihlelang.

Empa leha ho le joalo, tsohle ha e ea ka ea e-ba bothebelele tšebetsong ena e babatsehlang eo Col Mohapi a e

etsang. Kakapa e hopola tsa mohla e phonyohang lefu ka mohau oa Molimo ha seroala-nkhoana se soahlamana lihlabeng tsa Thaba-Putsoa ka 1998.

Col Mohapi: "Ho fihlela ka 1998 ke ne ke e-na le nalane e babatsehlang ea ho fofisa liroala-nkhoana ke ntse ke atleha ho phema likotsi le tlaas'a maemo a hloabaetsang. Tabatabelo ea ka e ne e le ho fihlela bonyane lilemo tse 20 ho se kotsi ea letho.

"Empa kaha bomalimabe ha bo tlolloe mafura ke moo ke ile ka thulana le kotsi ka 1998. Leo e ne e be letsatsi leo ke sa le ratang ka ho fetisisa; letsatsi leo ke ileng ka ba ka ipotsa hore na ke ne ke fofisetsang seroala-nkhoana ka lithabeng ka moo."

Letsatsing leo le mahlonoko, Col Mohapi o ne a tlohe boemafofaneng ba Mejametalana, Maseru a e ea Leribe moo a neng a il'o ea nka setopo ho se isa ka lithabeng. Boemo ba leholimo bo ne bo se botle hakaalo. Le ne le kaoahetse, empa che, le teng e se hampe hakaalo ho ka tšabisa likakapa tse kang eena joalo ho

ka nkela marung.

Seroala-nkhoaneng moo ho ne ho boetse ho e-na le mohoebi e mong ea neng a il'o hloela tšebetso ea hae ka lithabeng.

A sa pheta tsa tlokotsi ena, Col Mohapi o ile a iphumula mofufutso phatleng a nt'o re: "Eitse hoba se phethe tsohle ka thabeng ka moo, moo re seng re menahana le mehlala ho boela Maseru, ke ha re eelloa hore lihlabeng tsa Thaba-Putsoa maru a tlaase haholo hoo a thibelletseng tsela ea rona. Re ile ra fihlela qeto ea ho tsorama fatše ho se ho kae ho lekolisisa boemo boo.

"Ka mor'a nakoana, maru a ile a apoha ho se ho kae, a etsa lekhaloana leo re ka tsoang ho lona, 'me ka hona re ile ra boela ra se phahamisa."

Eitse hoba a boele a iphumule mofufutso, a tsoelapele: "Ka bomalimabe re fihlelletse tlhorong ea lihlabana tseo ka nako le motsotso o le mong le leholuotsoana le neng le nyoloha ka mabalane ka mona. Leholuotsoana leo la re



Ngoan'a khotso h'a le bale tsa khotso: Col Mohapi (ka ho le letona) o lumelisana le Tona-kholo, Mohlompehi Pakalitha Mosisili.

Sgt Limo...

(Li tsoa leqepheng la 35)

ho hong. Empa ho sa natsoe hore na e ka ba eng; re lokela ho mo hlatsisa ntho a e jele. Mo beheng leihlo, banna!" ke Thiba-khoali eo, a laela X le DJ.

Ao, ntate, kea u joetsa methaka ea hata moo a hatileng, empa le teng e le ka mokhoa oomokola o ke keng oa ela ba hloko.

Ha isa-isa, Limo ka botlaopa bona ba hae ke ha a se a kena tlung ea lijo lihahelong moo, 'me a fihla a tlatsa sekupu seo sa hae ka *oli* ea ho apeha.

Ke eo hee, mokola setlofa sa habo lijo mpolae se se ba tsoarisitse thankha. E be khetlong lee lefokisi le hloahloa le banna baa ba tla khona ho thiba Limo joang?

"Hee, methaka, joale ke mo siea liatleng tsa lona. Mo sebetseng!" ke Thiba-khoali eo, a laea banna. O ne a tseba hantle hore ba ke ke ba mo phoqa.

Monna eo oa lefokisi o ne a sa khutlele Maseru 'moho le bona letsatsing leo. O ne a ile a fuoa taelo ho tsoa ntlo-kholo ea mautloela hore a tsoe a sa le moo ho fihlela taelo e 'ngoe ba e tsoa.

Hang kamora'o ho moo, ke ha mokoloko oa makoloi a tšeletseng a mabotho o haroloha ho kena tseleng. Kapele le ka morao o ne o tširelelitsoe ka thata ka makoloi a mabeli a ntoa. Limo o ne a lutse kapele ha *li-rafneke* tsohle li ne li lutse ka *tenteng* kamorao ka koana.


Khorong ea lihahelo ho ne ho le litlatile tsa basali, 'Mantoa le eena a le teng ka hare ho batho. Bao, ba ne ba tlile ho lakaletsa mechaufa tsela-tsoeu, le hona ho iteka lehlohonolo la ho iphumanela ba bacha, 'nake.

"Ha, ha! Ha re *foke* rôna," ho rialo Limo ho moqhobi, a ikinne ka setšeho se

tšabehang, tjee. "Ho lula ho le tjena mona selemo ho pota. Ke Khoabala-e-ja-bohobe mona, motsoalle oa ka. Ba li tsebang ba re, 'lesole le ntšoa *chifing* ke le leng'. Ha u le sebouleli o ka sala ha banna ba palama, tjena. Bona feela ba batle joang!"

Ha ba kena tseleng e kholo, Limo a hlaha sefensetereng: "Ke hantle, ngoan'a!" a tsokela 'Mantoa letsoho. "Ke tla u bona lemong se tlang."

Ba ile ba emisa lekhetlo la pele ha ba le Mount Moorosi, ho



"Hee, thaka-ntona, ho se ho se ho kae re tla be re fihlile Makoanyane. U nahana hore re etseng ka manyala aa a *oli* ee ea mokola? Re ke ke ra phunya sekupu sena; *oli* ena e ka tlotsa lithoto tsa rôna, monna. Ak'u ngoae phuoana ena ea hau hle, moshan'a nkhono, ha ke u tsebe u le seleche se tjena. U se u re Limo o se a re hlotse khetlong lee?" ke X eo, a sisinya DJ.

"Theola moea, moshan'a heso, re ntse re e-na le nako. Kapa ha u sa ntšepa, *rafneke*, tooe!" ke DJ eo, ka mokho'a hae a etsisa Limo hantle hoo e ileng eaba bohle ha ba tsohe ke litšeho.

Bobeli ba ne ba tseba

hore ho phoqa mong'a bona Lcpl Thiba-khoali e ka ba phoso e kholo. E be ba tla etsa joang? Hloaea tsebe u mamele.

Ka ha lehlohonolo ha se lebelo, koloi e kapele e ile ea phahlola lebili ha ba le Ha Toloane pel'a Morija, 30km ho tloha Maseru.

"Aha, oona ke monyetla o motle oa hore re bontše Limo hore ha ba re bitse *li-rafneke* ke lefeela. Ha re ee, moshan'a heso!" ke DJ eo, a qhoa X. Ke bale! ba likela har'a motse, koana, DJ a khoetse sekupu sa *oli* ka seaparong sa ho thibela pula.

Ka nako e sa feliseng pelo ke ha ba se ba fumana moo ho rathotsoeng mokankanyane. DJ a bitsa sekala sa *thinya-o-fafohe*, a se shapela hloohong. Ha mataoa a neng a tletse ntlo eo ea thitelo a lebeletse hore o tla bitsa se seng, monna eo oa lebotho ke ha a biletsa mosali-moholo ea neng a ntse a rekisa mokankanyane moo, Ma-Cindy kantle.

"Ho joang na, *babe*! Ak'u nchenchele *oli* ea ho pheha ke ena hle, ngoana. Re mabota a hau, o'a tseba le uena. Kamoso re tla u bona ha re li hatile, *babe*!" ke DJ eo, a kobakobetsa mosali-moholo Ma-Cindy.

"Khele, e sa tla ke e be ua soasoa, mokhoenyana! *Oli* e ngata hakaale ka joala, basali!" ke mosali-moholo eo, hlathe e lelekisa tsebe.

"Potlaka, hle *babe*. Re siiloe ke nako. Tšela *oli* ena 'nqe 'ngoe, u tlatse sekupu sena *khoto-nkhorohle*. U se ikhathatse le ho se hlatsoa, re *li-rafneke*; ha re *foke*! Potlaka, *babe*," e boetse ke DJ eo, a bile a phaphatha Ma-Cindy libonong mona ka seatla.

Kamora'o ho metsotso e ka bang leshome le metso e mehlano, ba ile ba boela ba oela tseleng ho leba Maseru. Ba fihlile Makoanyane hang hoba le ine nko mobung.

(Li tsoelapele leqepheng la 44)

Sgt Limo...

(Li tsoa leqepheng la 43)

Limo a hl'a potlakela ho nka 'khetsi ea limomonane', a e beha lehetleng, ka le leng a nka 'sekupu sa oli', mokola oa koebelaka, ho leba hae, o le motlotlo.

H'a hlahella le ha hae ka moo ka liahelong, ba bararo ba lebothohali leo la hae la bana ba 'mona. Ao, ntate, ea e-ba semphete-ke-u-fete ho ea mo khahlanyetsa. Ba kene lapeng ba tlôla-tlôla ke thabo ha ba lekanya limomonane tseo nta'ta bona a ba khoaellentseng tsona. Limo a khokhosella ka tlung a imetsoe. A fihla a betsetsa khetsi fatše, mokola oa be o se o fofetse Palesa ba akana, bana le bona ba ba hloele setha ka 'nq'ena. Kamora'o ho moo, Limo a laela Palesa hore a sale a tlamolla khetsi, ba iphepe ka tsohle tse ba khahlang tse ka khetsing ha eena a sa il'o lata karolo e 'ngoe ea thoto ea hae.

Metsotsoana e se mekae Limo a ile, Palesa a hlolloa ruri h'a fihlela hore khetsi ea mokola e tšetse liketelahlali tsa mashala le patsi ho se letho le jeoang!

"Khele, na ke bona hantle? Mashala! Patsi! Che, e sa tla ke e be kea lora, basali. Lathalatha ee, ea monna e re ke tla fepa lebothohali lee la bana kang ha e sa tla le lijo tseo e re tšepisitseng tsona, tjee?" ke Palesa eo, a bile a eketsa ka hore, "Che, boo, e sa tla ke e be hona ke motlae. Empa Limo o tseba hantle hore e tjena metlae eona ha ke na nako ea eona.

"Mantloane ke o qetsetse khale hampe! O ntse a ntebala kea 'mona enoa, hee! Ke Motaung e motšehali 'na, o tla ntseba hantle kajeno lena," a futha ke bohale Palesa e mosehlana.

H' a s e a ikholisitse hore ha ho le kotjakotjana ea tlhatsoana feela

ka mokotleng ka moo, Palesa a kopa-kopanya lisentjana tsa ho qetela, a roma ngoana ho ea reka mahe a tšeletseng kantining.

"Che, bonyane kajeno re tla ke re je mahe a halikiloeng, re ke re re, khofu! ho ana a belisitsoeng, bana ba ka," a rialo a leka ka matla ho khotatsa bana. Ao, mekola ea be e se e sekamisitse lihlooho; thabo e fetohile masoabi.

Palesa oa batho a nka pane ea ho halika, a nt'o bula 'sekupu sa oli'. Ha u ka ba ua utloa, uena, ntho ke ha e re: "Pzzzz!" e bohla thitelo e ratholehileng sebele ruri ho tlala ntlo kaofela.

Motho o ne o ka lekanya hore ho ka be ho ile hoa e-ba molemo ha lekholo holane Limo a se ke a fihla hae ka nako le motsotso oo o mahlonoko hakaalo.

"Basali! Joale ke meleko ea eng ee, uena, tšethe-tšethe, tooe! ea monna?" ke Palesa eo, a bile a aqatsa Limo ka mokankanyane mahlong mona.

Eaba Limo ha e sa le a themelekana monyako moo; motho oa teng a sa tsoa tolisoa ka joala a sa lebella.

Ruri ntho e kholo ea reba. "Hao, moratuo, na ke eona tsela eo u nkamohelang ka eona ee?" ke Limo eo, ka peloe

bohlôko-hlôko.

Ao, ea hana ho thapa tšehlana eo ea Taung. A pepa hlooho e seletsoana ena, a re: "Uena u nahana'ng, athe? Mashala aa ke 'ona ao u re'ng ke a fepe lebothohali lee la hau la bana, sephoqo, tooe?" a rialo, a se a ntse a mo kakata hlooho ena ka pane.

Ho se ho kae: "Ebile kea tsoa 'na mona. Hore na u tla ba fepa eng, tseo e se e le lisala le uena. Leha u ka ba noesa *khoto-nkhorohela* eo ea hau. 'Na ha ke sa li kena; ke ile!" ke Palesa e mosehlana eo.

Ao, eaba le o chabetsa mokola, banna. Ba li tsebang ba re, 'ho hobe ha u sa tloaela'. Joale eaba e qalehile nyaka-nyaka. Bana ba lla; ba etsa sehou se sehlo. Palesa le eena ke eo a tsoa ka phaposing ea ho robala a se a akhetse mokotla oa liaparo lehetleng, a rafolela nthoana tsena tse mo llang thoko koana, ho bula tsela. Ke eloa! a re, phuru! monyako. Eaba o ile!

Sgt Limo o ne a e-s'o tlontlohe e joalo ha e sa le. Litaba tsena li ile tsa tsejoa ke baahisane, 'me ka hona tsa pharalla ho isa li utloahala ho *li-rafneke* tse bileng motlotlo hore qetellong li atlehile ho ruta Limo thuto e kholo, eo a sa tlo e lebala le kamohla!

TLOTLO HO MASOLE ...

(Li tsoa leqepheng la 29)

libakeng tse ka leboea ha ho hlaseloa Egypt le Tunisia ho ea kenella hare ho Italy.

Bobeli lintoa tsena li hulanyelitse likoloni tsa Manyesemane le batšireletsua ba oona lepatlelong la nto ka santhao, empa ke ka thuso le sebete sa masole a tsona libaka tsena Germany e ileng ea inehela ho

manyesemane.

Ho tloha nakong eo letsatsi la la 11 Pulungoana le lutse le ketekoa lefatše ka bophara e le sehppotso se mahlonoko sa maphelo a bahale bana ba oeleng ntoeng, le katleho ea bona ea ho tlisa khotso kamor'a boinehelo ba Germany.

...Kakapa bofofising

(Li tsoa leqepheng la 42)

tsukutla haholo hoo ka ho panya ho a ntši re ileng ra iphumana re se re bjamane fatše.

"Ka mohau oa Molimo ha ho oa ka hoa e-ba leha e se e ka ba le lesapo le le leng le robegang ho bohle ba neng ba le ka sefofaneng. Empa," a boela a fehelo, "sefofane sona se ne se soahlamane hoo se neng se ke ke sa hlola se tehoa!"

Se makatsang ke hore ha tsena li etsahala kakapa ena e ne ne e sa ka ea tšoha le hanyenyane feela. Empa likhoeli tse tšeletseng kamora'o ho moo hoa qaleha bo bong bothata. Kamehla h'a tlameha ho kena ka sefofaneng o ne a otloa ka letsoalo habohlolo, 'me ketsahalo ela ea mohla monene e iphete-phete kelellong ea hae.

Ka tšehetso e matla ea bolaoli ba hae bo-Major General Thuso Motanyane le Sam Makoro o ile a boela a betefalla ho boela a fofela tsullung tsa moea hape.

Ho fihlela joale Col Mohapi o se abile ka har'a sesole nako ea lilemo tse 27; tseo tse 26 tsa tsona a ileng a fofisa mofuta e fapakaneng ea liroala-nkhoana tsa sesole a le hae mona kapa mose ho maoatle.

"Ke qalile ka moetsi oa Bell 47, e leng sefofane se senyenyane haholo ho tseo re nang le tsona mona. Mofuteng oo, ke fofisitse e 'ngoe Geremane le e 'ngoe e matla ho fetisa eo hae mona. Ho tloha moo hoa nt'o latela Jet Ranger 206 e ntseng e le ea mofuta oa Bell; e leng mofuta oa seroala-nkhoana seo re tl'o se reka ha re phomotsa Bell 47 haufinyane. Eaba ho latela sa moetsi oa Mafora sa AS 350, tse 'maloa tsa mofuta oa BO 105 le tsa Ma-Russia tse bitsoang MI 2," ho rialo mofofisi ka motlotlo.

Ofisiri ena ea sesole e tsepameng ho tsa tšebetso ea eona e boetse ke molisa oa

phutheho ea Molimo kerekeng ea *Assemblies of God*. Ba kileng ba e-ba le lehlohonolo la ho utloa thero ea hae, ba lula ba ipotsa kamehla hore na o khona joang ho ipabola tšebetsong tsena tse peli.

E mong oa baruti ba baholo ba habo, kerekeng eo ea *Assemblies of God*, Moruti Seshemane ea Mafeteng haajoale, re qhaqhollera selotho seo joana: "Ke tsebile Moruti Col Mohapi ka selemo sa 1984 ha ke sa le molisa oa phutheho ea *Assemblies of God* mona Maseru. Ke motho ea lerato, ea matla tšebetsong. Ka 'nete-nete ha ke e-s'o ka ke bona motho ea



Col Mohapi (ka ho le letona) o bonoa 'moho le 2Lt Makhala Petje ka har'a Maloti a Lesotho ho le leng la matšolo a pholoso ka lihlabeng

joaloka eena. Se re makatsang kaofela re le baruti ba habo ke hore h'a ntse a phahamisoa maemong a tšebetso ka sesoleng o ntse a eketsa ho ikokobelletsa mosebetsi oa Molimo oo a inehetseng ho oona ka hohle-hohle."

Kakapa ena e na le lengolo lephahameng la Thuto-Molimo leo a le fumaneng kamora ho boithuto bo matla le ba *Hebron School of Theology*, Afrika-Boroa. O se a le mothating oa ho fumana le leng le ka holimo ho leo hape.

Col Mohapi o re o ikitlahelletsa ho ikobela ka lipallo tsa tšebetso ea sesole letsatsi ka leng mohlomong ke

ka hona ba bangata ba 'monang e ka h'a batle bosaoana tjena.

Likoetliso tsa hae tsa sesole li akha: Thupelo ea selemo ho tsa Bofofisi ba Seroala-nkhoana, Geremane, ka 1979; Thupelo e Maemong a Tsoetsengpele ea Bofofisi, Linaheng tse Kopaneng tsa Amerika, ka 1995; hoa nt'o latela ea ho fofisa Liroala-nkhoana tsa MI 2 tlaas'a borupeli ba Ma-Lybia naheng ena ea Lesotho le tse ling.

Ho feta moo Col e bile e mong oa ba ileng ba rupela bafofisi ba sesole sa moeng sa Zimbabwe ho fofisa liroala-nkhoana ka lithabeng

haufinyane.

Boipabolo ba hae tšebetsong bo ile ba elelloa ke Motlotlehi hlooho ea naha, 'me a mo abela khau ea tšebetso e babatsehang. Kakapa ena e boetse e na le likhau tsa tšebetso ea boitelo tsa lilemo tse 10 le 20, e leng mebala eo a leng motlotlo hore e bonahale seaparong sa hae kamehla.

Col Mohapi o lula ntlong e majaba-jaba Ha Thetsane, Maseru, 'moho le mofumahali oa hae 'M'e 'Mampho Mohapi. Ba hlohonolofalitsoe ka bana ba bane banana ba bararo le moshanyana a le mong. E ka litšiu tsa boqheku le tsona li tla tšoha li nanyetsa kakapa ena leha e ntse e shebahala joaloka ha eka ke thaka ha li fele joalo. Col Mohapi o motlotlo hore kajeno o se abile a e-na le setloholo.

MANGOLO HO



Mohlophisi - MARA
P.O. Box 1346
Maseru 100
Lesotho

Mohlophisi,

Ke qeta ho fumana buka ea lona e bitsoang MARA, ke utloa ke khahliloe haholo ke litaba tsa eona. Ke hlahetse Lesotho, ka fumana thuto ka har'a eona naha ena ea Lesotho. Ka bokhutšoanyane ke Mosotho ea ratang naha ea Lesotho ka lerato le utloisoang ke 'na ho feta ha nka hlahosa.

Ke kopa ka koikokobetso ho fepela MARA ka lingoloa tseo nka li ngolang, tseo sepheo sa tsona e leng ho khalema, ho hlokomelisa le ho holisa bana ba Basotho. Litaba tseo ekaba lipale, litšoantšiso esita le lithothokiso.

Nka thabela tlhaketso e chabileng malebana le taba ena.

Mathato J. Rateele (Semoko)
P.O. Box 73
Mt. Moorosi
Quthing

'M'e Mathato,

Ho ruta sechaba ke e 'ngoe ea litšiea tsa pampiri ena ea rona, 'me ho'a lokela ke hona hore babali le bona ba kenye letsoho.

Re khothaletsa tlatsetso ea mofuta oona. Ngola, 'me litaba tsa hao li abelano le sechaba ka kakaretso. Mohlophisi.

Mohlophisi,

Ha monate joang feela Ntate?

Ke rata ho kenela Likoete tse Koenneng tsa MARA.

Ke kopa hore ke romelloe koranta ea MARA, ke tla khona ho e patala ka tsela ea ho e romelloa.

LEBITSO: Moeketsi Michael
Mohai

LILEMO: 20

SEBAKA: Ha Lesala Semonkong

THAHASELLO: Bohahlaoli, Tae-Kwon-Do, Boikoetliso



Moeketsi,

Ke litaba tse monate ho utloa hore o rata boikoetliso. Re lebeletse ka tjantjello e kholo ho boha potongoane ea hao har'a Likoete. Koetla ka thata Ntate!

Mohlophisi.

Mohlophisi,

Oho hle! Ntate ke kopa hore u nthuse hle Mohlomphehi. Ke kopa aterese ea sesoleng sa Lesotho. Ke batla ho etsa kopo ea mosebetsi hona moo. Ke tla leboha thuso ea hau.

Gabriel Manocha Maanela
Word of Words Eng. Med. H. S.
P.O. Box 1063
Maputsoe 350

Manocha,

Ka tšoanelo LDF e phatlalatsa likheo tsa mosebetsi li-ea-le-

moeeng le likoranteng tsa naha, 'me bohle ba tsebisoe ka linako le matsatsi a khiro. Lula o mametse liea-le-moea.

Mohlophisi.

Mohlophisi,

Ke le mohlankana oa Mosotho ea ntseng a le monyenyanane. Ke ngola lengolo lena hobane ke kopa buka ea MARA. Joale ha ke na mokhoa kapa ona matla a ho e fumana. Ke hlokometse molemo oa tse ka har'e ho eona malebana le bokamoso ba ka.

Michael Mokorotloane
Mafotholeng
P.O. Box 116
Maputsoe 350

Michael,

Re utloa selo sa hau 'me re ka lakatsa haholo ho u thusa. Empa le ha ho le joalo, re sitoa ho etsa tlhophiso ea hore u fumane MARA mahala kaha litsi tsa thekiso tse haufi le uena li khoebong 'me ha li fane feela.

O ka etela liofisi tsa rona, 'me oa fumana thuso.

Mali ea khabane, re ngolle o hlalise maikutsoa a hau ka tse phuthetsoeng ke MARA le maemo a eona. Maikuto a hau a ka re tsoela molemo!

HIV/Aids e bua le uena

BOITŠOARO

Ke lilemo ke pati-patile hlooho, le joale ke sa kene pooneng
Joale ke hlahisa `mala oa ka hantle ho bua le lona bacha
Ha ke kope le patala ho batsoali ba lona
Na o`a ntseba!

Ke lakatsa ho le hlokomelisa tse mpe le tse ntle
Hopola! Le sechaba sa ka moso
Ke le hlokomelisa ka hohle-hohle hore na `na ke mang
Ho lichaba tsohle ke re:
Ho bobebe ho mphema, ho ntoantša le ho ntlhola - **E SENG KA KOTO.**

- Ntantane ha e jeoe ke bana
- Se kene thobalanong
- Tšepahalla molekane oa hau
- Sebelisa khohlopo ha u kena thobalanong

Ka PVT Linake

Mohlophisi,

Lilemong tse fetileng bana ba Basotho ba ne ba holisoa ba tšabisoa masole le mapolesa, motho o ne a tleloa ke maikutlo a fapakaneng ka banna bana bao hantle ba lokelang ho boloka khotso ea sechaba.

Ho ne ho thoe mosebetsi oa bona ke no nka lithunya le `me ba thunye batho le ho ba tšoara.

Sena se ne se etsa likamano tse seng ntle lipakeng tsa sechaba le mafapha ana a `muso.

Ntho e kopantseng sechaba le mafapha ana a `muso morao tjena ke tlhahiso ea likoranta tse kang MARA le LESELI KA SEPOLESA e leng moo sechaba se elelloang hore phetoho e teng mafapheng ao. Sena ke sesupo sa hore rea hola re le sechaba sa Basotho.

Ntsane Joseph Ntsane
Litsoetse Ha-Lekhologoane
P.O. Box Litsoetse 672
Thaba-Tseka 550

Ntsane,

Ke lintlha tsa bohlokoa tseno tse o li hlokometseng, haholo phetohong e teng kahar`a sesole likamanong le sechaba. E s e eka o ka jala molaetsa ona.

Mohlophisi.

Mohlophisi,


Rea leboha ka litaba tseo re li fumanang pampiring ea MARA. E se eka le ka ngola hape haholo ka litaba tse amanang le mesebetsi ea masole ka ho fapana, esita le eo sesole se e etsetsang sechaba.

Ekaba ntho ea bohlokoa le hore re tseba le ka mosebetsi oa lesole oa letsatsi, ele hore re se be le maikutlo a fosahetseng ka sesole re utloisise tšebetso ea sona haholoanyane.

Ke lebeletse ka thahasello e kholo ho boela ke fumana pampiri e `ngoe ea MARA.



LEBITSO: Ntsane Joseph Ntsane
LILEMO: 25
ATERESE: Litsoetse Ha-Lekhologoane
P.O. Litsoetse 672
Thaba-Tseka 550



Lisebo Ramarothole
Alwynskop
Quthing

Lisebo,

Ak`u akhele maikutlo a hau malebana le tse hahng tse ka hlahisoang pampiring ena ea hau ea MARA.

Re leka ka hohle ho hlahisa se ka u thabisang le hona ho u khahla, `me hang ha u hlahisitse maikutlo a hau a ahang rona re tla u fa litaba.

Mohlophisi.

Hopola!

Re khothaletsa mangolo a makhutšoanyane a hlakileng, `me Mohlophisi o na le matla a ho a lokisa le ho a khutsufatsa.

Molaoli oa motebo oa sesole o seboko

Baahisani ba Lithabaneng le Ha-Leqele ba iketsetsa

Ke mehleng ea puso ea sesole ka bo -1986 moo Liofisiri tsa nako eo tsa sesole li neng li bonoa metseng koana li epile lipitso, empa eare kamora hore matla a puso a khutlele sechabeng ka likhetho tsa puso ea sechaba ka sechaba lerole la lipitso la sallana le bo -ralipolotiki metseng koana. Botlokotsebe, tšenyole bosholu tse etsoang ke baahi ba metse a mabapi le motebo oa sesole oa Makoanyane e bakile hore sesole, ka Molaoli oa Motebo ona, se boele se iphumane se epile lipitso ho ea khalemela bohlasoa. **Sgt Thabiso Rajane** o ile a inoesa ka nkho ha sesole se khalema batho bana.

Kamora ho hlokola le ho betleloa bosole bo hloahloa, Sesole sa Lesotho (LDF), hara tse ling tse ngata, se thehile liofisi tsa Bolaoli ba Motebo ea eona ea sesole, 'me Molaoli oa Motebo oa Sesole oa Makoanyane, Colonel Thabang Matebesi o hlokomelitsitse a tihisitse ka hanong sechaba sa metse e ahisaneng le motebo ona hore se tlohele hang-hang liketso tsa botlokotsebe le bosholu tse ntseng li etsoa thepeng ea sesole.

Ha a khobola sechaba sena sa Lithabaneng se mo opisang hlooho pitsong hona Lithabaneng moo, Col Matebesi o itse "Ho fihlile tlhokomelong ea Molaoli oa Sesole hore ho na le batho ba iphetotseng tšupa motseng mona bao ka morero ba khaolang le ho ithuhela terata ena e kampetseng motebo ona oa Makoanyane."

A supa hore ketso ena ea botlokotsebe e shebahala e iketsetsoa ke batho ba tlelang ho tla khoasa libeso kahara jarete eo ea sesole, ha ba bang bona e le ba fetotseng jarete ena lekhulo leo ba iphulisetsang liphoofole tsa bona ka borata.

O hlokomelitsitse sechaba hore sena se kena-kenana le ho thunthetsa likamano tse mofuthu tse sa leng teng lipakeng tsa sesole le sechaba sa metse ena.

Molaoli oa Motebo a re: "Ke morero oa LDF ho matlafatsa likamano tse teng lipakeng tsa eona le sechaba se

ahisaneng le eona, 'me e lakatsa ha likamano tse joalo li hola eseng ho khotloa-khotloa ka liketso tse mpe joaloka ka tse tsa bosholu ba thepa ea eona."

Molaoli oa Motebo ona a hlasetsoeng ke bosholu. A bile a eletsa hore ha liketso tse hlokang Molimo kahare li ntse li itsoella pele, bohle ba hlokomela hore qetellong ea



Ho lekane!...Col Matebesi

A eellisoa baetsi ba liketso tse tsa lefifi ho li khaotsa kaha mehato ea thibelo e tla nkoa ho sireletsa thepa ena, 'me phafa e ineloe ho thibolla masholu ana litsebe. E kaba ka bo-'ngoe kapa ka lihlopha.

"LDF ha a e lakatsa ho etsa mang kapa mang 'mutla'a lintjeng, ke ka hona le re bonang mona re hlile re tllile hore re tlo shebisang litaba tse 'moho re thakelane malebela re be re fihlele tharollo ka kopanelo," a tsoelapele ho hlalosa.

Baballang thepa ea Sesole!

letsatsi li tla ba tsoalla litholoana tse babang.

Col a supa bopaki ba hore libekeng tse ka bang peli pele ho pitso ena, terata ea bolelele bo kang hakanyetsoang ho 12 e kampetseng jarete ea sesole e khaotsoe ea utsuoa, 'me le mohlalaoa eona feela ha o eso fumanoe.

"Ha re ea thaba ho hang ke ketso e soto ena ea ho ytsuoa hoa terata ena ea sesole. Ke le hopotse hore seo LDF e nang le sona se tsoa lipokothong tsa tsa lona ka likhafa tsa lona, 'me ha ho le joalo le itsoellapele ho

(li tsoelapele leqepheng la 49)

ithuhisa ka thepa ena ea sesole ke lona le tla e lefa hobane likhafa tsa lona li tla tlameha ho ea reka e `ngoe hape," a li beha Col ha a eletsa sechaba.

Hona pitsong ena, Lieutenant Tsoang Peshoane, "Mashai" e Moholo oa Motebo o ile a bolella sechaba se khobokaneng hore ofisi ea Sepolesa sa Sesole (MP) e butsoe bosiu le motšearo ho fana ka thuso ea mofuta ofe kapa ofe.

Lt Peshoane a eletsa sechaba ho latela tsela ea tšebetso e nepahetseng le litsela tse amohelang ho fuma na litšebeliso metebong ea sesole, ebang ke Makoanyane kapa tlaase Ha-Ratjomose, eseng ho kenoe ka `khorooana tsa matsa eke ke ha `Ma-`Nyafeng moo e mong le e mong a iketsetsang boithatelo.

"Ke le eletsa ho tlohela ho kena majareteng a batho ntle le tumello ea beng ba sebaka. Na e kaba toka ha nka ikenela ntlong ha motho moo ka nka seo pelo eaka e ntaelang hore ke se nke ke sa lumellana le monga ntlo? Ha se moo ho tla thoe ha ke nke hantle? Ha se ntho e ka etsahalang eno!" a rapalatsa mabaka Lt Peshoane.

Ramohlangoana oa sebaka, Ntate Lebipi Mthobi eena o ile a thoholetsa LDF ka

ho qala pele ka ho hlokomelisa sechaba botebo ba tšenyoe ena eo se ntseng se e etsa thepeng ea sesole. A kopa Bolaoli ba sesole ho mo nyanyeletsa se mo fe mabitso a litlokotsebe tsena haeba li tsejoa ele hore li nkoe ka lechoba hanghang.

"Motsoali ka mong o tla ikarabella mesebetsing e mebe ea ngoana a hae."

E mong oa baahi ebile ele setho sa Mautloela (NSS) se pencheleng, Ntate Mathate Matsimane, o ile a etsa poho-patisa a kopa Bolaoli ba Sesole ho imamella bothata ba leratahali le bakoang ke liqhomanane tse sebelisoang ka jareteng eo ea sesole, leo a hlalositse le baka "melumo e meholo hoo e ka `nang ea hlantša le bana ba rona, haholo ba haufi le jarete ena."

Ntate Matsimane a supa hore ha ngoana a khalehile, `me liqhomanane tsena li phatloha ka lerata leno la tsona, ngoana eno a ka khoaphoha likobong a hlahlile mahlo a lumela hantle hore o ntse a lora, le hona a lora thokolosi. A tlatsetsa hape hore sena se ka ama ngoana hampehali kholong ea hae.

Leeto lena la lipitso ha le ntse le tsoelapele le fetela Ha-Leqele, letsoho la Ramohlangoana oa sebaka Ntate Moholi Mphutlane o ile a ema ka bohale a supisa sechaba

hore ha se mosebetsi oa LDF ho leleka bana hore ba se senye thepa ea sesole. Motsoali e mong le e mong o tla ikarabella mesebetsing e mebe ea ngoana oa hae.

"Molaoli oa Sesole o ne a nketetse lapeng mane ho tla bua ka eona taba ena, ke mo bolelletse hore a etse sohle se matleng a hae ho sireletsa thepa ena ea sesole," a tsoelapele a senyehile pelo Ntate Mphutlane.


Lipitso tsa morero o tšoanang oa ho loantšoa botlokotsebe bona bo totileng thepeng ea LDF ka Molaoli oa Motebo oa Mokoanyane li ne li lokela ho tšoaroa metseng e ka holima sehlabane sa Thuathe-Berea. Ena ke metse e meng e arolelanang meeli le terata ea jarete ea LDF, moo ho bileng ho nang le thepa e `ngoe ea bohlokoa.

Col Matebesi `moho le moifo oa hae oa Liofisiri tse kholo tsa sesole o ne a lokiselitsoe ho ea epa lipitso metseng ea Lipompong le Ha-Mafaesa, ka molaetsa o tšoanang oa khalemo ho baahi ba metse ena, empa lipitso tsena li ile tsa thisa.



Baahi ba metse e pel'a Makoanyane pelo lia tsoa ha ba shebile patsi le lekhulo lena.

Letsatsi la Sesole ka Litšoantšo




Barupeli ba Motsamao o hlophisehileng oa Sesole oo ba ikhantšang ka oona



▲
Mohl. Tona-Khlole o re masole a etse thuto seikokotlelo sa 'ona



Boiphihlelo bo hlohang ba litho tsa Lebotho le Ikhetang



Tlhahlobo ea lefu la tsoekere e ne e iphumaneloa MAHALA ho ba Sepetlele sa Sesole



Ke tseo hee, litholoana tsa tšebetso e khabane ea sehlopha sa Sesole sa Tae-Kwon-Do

Letsatsi la Sesole ka Litšoantšo

Sepolesa sa Sesole (MP) ha se le malala-a-laotsoe ho thusetsa taolong ea meferefere



Mohlomphehi Tona -Kholo Mosisili o hlahloba Mokhethoa oa Sesole



▲ Leboho le Ikhethang la LDF le bontša boiphihlelo pholosong ea liphofu tsa bokhukhuni



◀ Mohl. Tona -kholo le Molaoli oa Sesole ba lebeletse ka hloko menyakoe ea Sesole



WARA